

Atur Naka Ekanisa Loka Epeso

Jeffersonville, Indiana, USA
60-1205

1 Isirereng Ejakait yesi.

Idiotunganan kotoma kane yenitekeri e-e Dodge, Dodge, enaaba loka alasisi WX-2129, esipokinitai orot ngina? Ejalakit aketocin, atocin nuka oingaren kosodi kere, enokiete. Arai itekeri itunganan emotoka ngol, inyobo, kocedar ber ijo kinga kosodi agwetar akonitocin, ejai akan nakokediany naka erot, kokwap kalaije Eighth Street. Aomit eong bala erai ngol enaaba loka New Albany, WX-2129. Dodge loarengan, Dodge loitetet, erai ngol nepetai '50, '60. Arai nenice kanen. Ido mam eong ajeni arai ejai itunganan toma ne araibo abu icetunganan...kanenice. Eebo, arai. Kwangin erai ngin ibore yenajokan. Mam eong alosi atemar ebe angor bon imurwonokinete ngun, naarai eong da imurwonokini.

2 Eebo, erai naejok cut bobo abongun ne atibong na toma aijaanakin, ka ajaun kede apak na najokan naka eidicane nepepe anatar akwap. Yesi inumunumete Ngin? [Kotemari atukos ebe, "Amen."-Ekewa.] Oo, edolit ngin, ijai oni kede apak nakaumokin, apak nakaumokin. Ido kwana imunokina oni ebe ingarakini Edeke oni alosit iingaren.

Kwana, abu onaceka kolot kosodi ayangaun a blakibood ne, konye euriana noi, mam epedorit adolore kuju ejok. Kwangin imoi, eebo, ibuni oni aitam aitemokin ngin kane, aikajar ngin kuju cut kasodete aswam ngin tetere...Akoto eong ainom iceboro luegelegela luepuda eong aitetemun, tetere ijo ipedori...kosodi tetere ijo ijeni ebe imisiikini ijo Ngin cut ejok.

3 Ajai...Akuar natubor, arai bian arai, ikapese yenididi, Sarah, asubit ngin bala ibus. Toto kede eong ijai iseseni apapulake; ajai ngesi aiwadik akakiro nuewadikat eong. Ido ajaatar ngesi kede nginibore kere iwadikatai ejok cut, Isaia ka Matayo ka nginibore kere. Ido cut kotoma angeset naka-naka apapula, ajaatar ngesi "Ka-ka atwanare...Emameotor bobo atwanare aipikor kotomake, ido aponi atwanare kolemarai eketidot awai." Erai ngesi bala naka ikar ikanykaarei lukapolou. Kosodi ngesi aiboisit naka ajaut kede "Apukokinio," abala ngesi ebe, "Eitabo loka aijulanakineta." Eebo, itodunit ngin ebe ipudasi kesi aitam adumun icebore, keja ngun da, kesi mam ipudasi? Aomit eong bala ipeseke Onac Collins, iboie ngesi kokau kangina, ido apotu kesi kiwadikata ("Aijulakinio"?), ebala Onac Neville ebe "Apaaran naka aijulanakineta." Ecamanara ngesi kede ipese ngin. Aomit eong ebeit oni kere aswam ngun.

4 Eebo, kijai teni kede apak nakapolon. Ikatunga, ejai Edeke aisirereng. Abu eong alot toma aisiom atupuruc na, toma agola, katipet akaulo eong ayangar idwe osomero, kasodi alomun kinga apak edit kau; ajaut kede apak naajokan. Akuar nabian, abu eong da, esisia kiton bala abu apak koekarite, da.

Ido nepetai isawan ikanykauni kede atutubet luka atupuruc apotu icetunga kopotu ageun kalaije agolitome, kodumutu kesi sio...aponi ketiekenyun eong ailipakin ipese yenididi yenejai atwanare. Ido ajeni cut eong ebe itangaleuni Edeke nges. Apotu kesi kopotu kalaije, ageun cut ko Bedford, Indiana, aingit ailipa ebe ilipakinai ipese apak ngin. Ajauna itunga iarei toma aijaanakin akuar ya ido kitekerunitos emotoka anyoun cut kangina, kosodete abongor ngina, kosodete abongun bobo. Aticepak aiteker akuar kere. Ido kwangin, ejok ajenun ebe ejaatar itunga eipone amun kwa kangin ido iyuunitos Edeke.

5 Oo, erai apaaran nakapolon nges na ijari oni kotoma. Ido kimuno oni kwana, kotoma aturio kanu nuka ekanisa, adumun cut nuiyu ido nuiyatakina.

Kwana, itamit oni ageunun sek mot kanginikuar, tetere oni ilacakin sek. Iminasi yesi ngin ejok? Kosodi tetere ajalakin itunga luejaas kede aswamasio, adolore ore tetere elosete aswam. Akuar naatubor apotu oni kalomasi kinga nepetai osawan ikany, kotuboro adakikan akanykaongon kosawan iuni, ara eong cut loadauna. Ido kanuka ngun iyalama oni ajaut kede ijanakinak lupejoete toma kede oni atibong na. Ido eong-eong...Onac Junior Jackson, Onac Carpenter, ka onacewok lo okanisa kangina, ka luipu kotoma aiboisit kane ka kinga kotoma airiamun.

6 Ido aponi alimokin eong lolo ebe ejai opaperoka loketiai noi loajai kede eong toma omanikoria luka aijaanakin, Onac ka Inac Andrew anyoun cut kalaije ko China toma noi, ajai toma atukonokin akuar kaya. Eumokina biai apak napotu oni ajaunotor nepepe kalaije kotoma Jamaica okaru lo loatubor. Kipou isio ajaunos kede apak naajok, ajai eong kiton okalekec. Ido ika, arai...Mam eong ajeni arai ejai Onac ka Inac Andrew atibong na toma ne-toma atukonokin? Mam edukitai aduketait na ejok cut, tetere... Eebo, iboie okau cut kau. Mam eong ajeni arai ipedori ijo anyoun aibwo kakejenekon, Onac ka Inac Andrew, ipak edit. Isirereng Ejakait yes. Iyalama isio noi aanyun yes, Onac ka Inac Andrew. Abu eong esukunyk kes abunore kokaru kaje neajaar eong ngina.

7 Kwana, komam alimuni ngin koingarenekec (abeit eong alimun nuiyu, konye mam eong alimuni ngin kwana), konye eraas kesi luanyarit eong ebe ikiyakia obe. Arai elomutu kesi toma akuar naamoi. Koinakinis kes einer kane eroko sio elomuna toma. Akoto eong yesi apupun nuerai teni ayakian naka omanikor neajaatar kesi kau ngini neelwana kotoma akidingos kiton neamameotor kesi karaida idiobore kanu...Eebo, eraas kesi...Aomit eong bala arai ikar ka ikar ka ikar ejaas kesi kau toma ngina, ido mam da ber kesi karaida aanyunitotor emotoka arai agaali napuru, arai idiobore kere, adaun ikar ka ikar. Ido

eipone loenomina Iinac ekecemugaati kotoma...Eipone loaminar ngesi ainyong. Ido...Kwana ekiyakia obe ngol. Ajaatar Onac Andrew episo ka eusi ido korai ngesi emuron, adonyonokini ngesi kes nekecililatar. Ido aomit eong neabunio ikoku...neaponiata idwe, Aticepak arai Iinac Andrew amokoliat ido korai Onac Andrew emuron loka adekis. Ebwaikitos kesi akecemun kere mamakec.

8 Kosodi do neapotu missions luko...ko England, Pentecostal Missions of England, abalas ebe amojongitos kesi "noi kanu abongor omanikor," (Abuni bon eong alimokin yes eipone alimonokinak lueraas kesi, mam kesi alosete alemun eicolong edio loepatana kosodete aboikin) abongorete kesi ikulepek bonik, abongor kinga Jamaica ido kokinga kangina elimonokinete kwana. Onac Fred Sothmann kede eong kane apotu ajaunos kede arereng naka alosit orekec kasodete aipejokin kes, ido apol biai amin naapotu kesi kitodikisi isio; kojijim kwape ejaatar Ikristayon. Ido alimokini eong ijo, mam eong alimunit nu kanu...Ejok do eong einer abeit aiboisit naka aiturit kes edautu anyoun. Alimokini eong ijo, eraas teni kesi Ikristayon obe. Ido abu eong alimok akaberu ebe Iinac Adrew nges adiopet kotoma angor nuejijim kakere, adiopet kotoma angor nukristayon nuejokuka kakere nuepedori itunganan airiamunor. Erai ngesi...Inyongunitai ikeponesio da kotoma Kristo Yesu; ka Onac Andrew, da. Kwangin ajeni eong ejok arai apotu yesi kere koanyutu kes luapotu konyoutu aibwo, akoto ti eong ekanisa lo kere ayogan kes ka apupun kes eroko kes enyouno.

9 Kwana, imoi, arai itojok Ejakait, inyobo, ijai oni...Moi tupuruc igeuni oni kotoma atur nakiareit naka ekanisa. Atibong na ijai oni ageun kotoma atur nasodit naka ekanisa. Ajeni eong ejok ebe ejaatar Ejakait arereng aingadis kanuwok.

Ido eitunit eong ebe, kwape alimunitor eong sek, acepeki kotoma oboro kalu mam oni imina acamanar kotomakec koipone-koipone kaloka aisisia naka ediini. Ido nuipu kotoma akiroka alemunit eong kama ejaas ikewadikak akiro nukolosek lukabeit, numam cut teni ejijim kosiep edio. Apotu bon kesi kiwadikata abeit, nuarai ngin kere, nuapotu ikanisan kiswamata. Kasodi eong...Bodo, ewai loka ainyonyoikinio naka Edeke, atamit eong aibwaikin ngin mamaka, kagogong kere kwape kajenia eong. Ido acepakio arai ener eong kede adedeng arai kaisuburikit koipone kangol, mam eong apeleikinit kotoma koipone kangol. Nginitunganan ejeni ngin, yenejeni eong, ebe mam eong apeleikinit ngun. Akoto bon eong...Konye tetere eong ainakini akirot aikamakin, ijo...Kwape bala aibubukin esumalit toma abao, arai iyegelik ijo ngol kuju nen, mam epedori aikamakin. Ekoto ijo aibubukin ngol toma kosodi aiketakin, kanu ngin aibwo. Ido ngun nges atamit eong aswam. Kwangin mam erai ebe atamit eong amamus acamanar, naarai enera eong kanuka iriongeta kere ka ice da, kwangin mam...ngin.

10 Alimununei duc eong ebe, kwape bala amacar akiteng. Eitunit eong ikar kau eboie eong apaaran adiopet neajaatar kesi...ajaas kede amotoi naka aiporo, ayangar akituk amagoro, kasodi eong aingarakin aisukunyar akituk kiton, neanyaritai ebe abwas naigaliunit neicokie atukot naka Hereford Association-Troublesome River Valley. Ido ajai eong eboie kangina edokokite akakeje amumwarat naka eicolong lokibwanenis, kaseseni ekedaran amagoro ejai ngesi asesen akituk etubonoros kama ejai abwas naigaliunit.

Kwana, ekoto ijo ojaatar...erau nen neijaar ijo alosit nejai ibore yenapugan, ido ekoto ijo opedorite aitolomun ikilos elukumit luka anya eroko ijo ibwaikina akiteng adak nen. Ido kanginigaliunet epedorit aitolomun anya nuipu, akituk nuipu, kwangin ejaunos do kesi kede ngun.

11 Kwana, alosete kesi ngina kede iponesio kere luka ipitenin kotomakec. Ice kotoma kakesi ajaatar "B X." Ejkt. Grimes lokidunyar isio ajaatar ka "Diamond T," T kotoma osange ediopet loka diamond. Ajai loka "Lazy K," kokuju cut naka ecilet loka Troublesome River. Lokosi arai "Turkey Track." Kokwap kosi ajai "Tripod." Ido ajaas iponesio luagelegela kere elosete kitoritos orute ngol.

Kasodi eong aanyun ekedaran amagoro mam apodokinit nuka amacareta kangun, mam ngesi aseseni ngun. Ecesawa ajaas akan naka okediany naka akiteng, aso mam do ti nges epedo aanyun amacaret. Aso mam-mam arai ebe aseseni ngesi amacareta. Konye ibore idiopet yenakoto ngesi aanyun, ebe amamei akiteng naatubor toma ngina arai amameotor ejenunet, loka aokot kotoma akitike. Akoto korai naka eipone loka Hereford arai mam mam alomari toma amagoro ngin. Mamace emacar loka akiteng, konye kerai ejenunet loka aokot. Ido aomit eong ebuni araun kwangin kotoma apaaran naka etube. Mam ebuni araun eipone amacaret nakinapit oni, konye ebuni Ngesi asesen ejenunet loka aokot, "neanyunia eong Aokot, alelengi eong ijo." [Kinerakinos Onac Branham kede Onac Gene nuikamunitos ejautene loka acuuma nainerare-Ekewa.] Kwana, ebucarit eong mot, Gene, eong ebucarit? Inyaku. Ejok...Erai asiecakinet kiding naka itunga iarei, ngin erai naedolit? Eebo. Eyalama onac Gene. Ejok.

12 Kwana, ilosi oni aitam anyoun sek bobo atibong na, tetere oni ibonguni akuar naka amoi kasodete alemun aturio nu. Ido alimokini eong ijo, etiono noi kanuka aingada ice kotoma oboro kangul lukapolok lueperete kokwap kosiep ariri naka erot; aitam alemun kes kere kinga kotoma akuar adiopet. Ijeni ijo, esubit ngol bala erai ngol ekaipone, konye ejai ber oni aingadakit ngin mot kiton nginikuar.

Kwana, eroko ber oni ipukoro Eitabo lokapolon, mam eong ajeni karai oni apedorete aibwo apak edit kanu...Aijulakin aiboisitikon naka...kwape inyouna oni aibwo, ngul luepedorete. Ido etuluroto awokokwes

kwap kwana, kaiyapaara, kanuka akirot naka ailip:

13 Papa Lokotoma Akuj, ijai bobo isio adolokin EicolongoKon Lokalaunan, ibunit isio komam ikeunit akosiyuun, naarai ibunit isio naarai isukunyikinitai isio abunore. Mam sio ipedori alimun ebe ibunit isio kokiror loka ekanisa edio arai erionget, arai kotoma okiror loka ekanisa, arai kotoma okiror kosi, naarai mam ti isio imunokin ebe, arai ti isio ipedo adumun apedor na kede Edeke arai mam. Konye abu Yesu kolimok isio, "Kilipata Papa idiobore kere kOkiroriKa, eswamai eong ngin," kwangin ijeni do isio ebe ibunit isio kOkiror loka Yesu ilosi ijo aiirar isio Papa.

Iyalama isio kwape kisiomia nuka lukalaunak luka apaarasia nuatuboros, eipone loapotu kesi kipucakinatar akecejenanut kede akeceokot, kapakio kangun, Papa, einakini isio aipup bala iswamai isio nuikidioko kotoma apaarasia kanu. Ido elipit eong Ijo, Ejakait, ebe itimi Ijo isio ekosi-ekosi-ekosi ejalijal, kwape kijaar isio, kanuikamunito aswamuKon. Ido ilipi isio ebe inyonyoikini Ijo isio bobo kwape kisiomia isio Akonikirot, ido koany ican luabu koyangaik kotoma apaarasia nuatuboros kanu aitolomun ekisil lokapolon loka Ekanisa loelakunitai loka Edeke lokajaran.

14 Elipit eong Ijo, Papa Lokotoma Akuj, kiner atiibong na kotomakosi naarai mam isio ijeni nuebeit alimun; idarit isio aidarit ido ilipit isio ailip na kane naarai ijai isio Akonyen nuka Edeke kotoma OkanisaKe, ido ilipit isio ebe imorikikini Emoyo Lokalaunan lo loejai toma otunga lu Akepedorosio nepepe atiibong na kosodi aijangun Akiro Nukajokak toma otau loka nginitunganan, nueinakinete isio abwoetait nakitetet ka amun nakitetet kanuka atur naebunit koingaren. Koinakinai ngun, wu Ejakait, naarai iseseni isio etiini egeuni ailib ido Israel eraun akwap, ka apaarasia nuka Imo ejaas adaun ka aikidiokor, ido idarit isio abunore naka Ekalakunan loapolon, Ejakaitkosi Yesu Kristo.

Kolosi kakidingosi kosi, wu Ejakait. Kwape alimunitere lolo, "Ilosi ijo kakidingos naka ipirin luka atalai," aso kolosi akidingos kosi atibong na, wu Ejakait. Kosodi aikwenyar ikositauon nuka aronis naebunit koingaren, kosodi ainakin isio amisiikin nuka Akonikirot, naarai ilipit isio kokiror loka Yesu Kristo. Amen. Ipedorete aiboikin.

15 Kwana, kwape alimununa eong nginipaaran, atamit eong aanyun ebe ewadikai eong nuipu kotoma apapulai kwape cut apedoria eong, nuka apakio, aiboisio, ka ace da, naarai erai akirot nakolo sek nges ijai oni adolokin. Erai akiro nukolo sek, ido kwana ijai oni aijesun kwap, bobo da, nuikamunitos ngun kotoma apak.

Kwana, atupuruc kaNaesabiiti ka atiibong kaNaemukaga...arai atiibong kaNaesabiiti, atemas, kipou ajaunos kede apak najokan. Acamunit eong apotu oni ajaunotor. Abu eong ajaun, elopet. Ido nuka Apukokinio...

16 Kwana, inyobo ijai oni aisia? Apukokinio naka Yesu Kristo. Inyobo apotu oni adumutu ebe abu Edeke kitodu apukokinio ido ingaibo kerai Ngesi? Ibore yenisodit yenidumuni oni, kotoma apukonokineta kere, ebe abu Edeke kitejena nuarai Ngesi. Ebe, mam Yesu arai etunganan lokiuniet loka tiriniti, arai Ngesi tiriniti kotoma aileleba. Arai Ngesi Papa, Okoku ka Emoyo Lokalaunan. ido ngin nges arai apukokinio. Irwan aongon ineritere kotoma osula kangopekangol, ebe arai Ngesi Edeke Lokapedor kere; Ngol loajai, loejai, ido loebuni; Aliasit ka Etatait naka Daudi.

17 Kwana ianyuni do oni, ebe, kotoma oboro kalu ilosi oni aitam aitacaun akirot kere, naarai mam eong ajeni apak naipupunio oni Ngin bobo, aticepak mam cut bobo, kiton apak adaun kosodi ailicar toma aijar Namam Edaun. Ido kwana, kwape abalaar eong, epedori kojaas iinacan luipu, ikesisianakinak luibusakiniet einer nu adepar eong, ido aticepak epedorete adumun aijulunet naejok nejai ngin, konye ebwaiki Edeke ngin toma otauca aswam ngun ido kanuka ngun abuni eong araut lokesoswai arai timam eong alimuni ngin cut kwape aomitor eong ebe edolit. Ianyu? Aso akoto-akoto eong duc araut loacai kakonyen nuka Edeke, apakio kere, ebe "Mam eong abu akurianar," kwape abalar Paul, "aikwenyanar yesi apaaran ka akuar, kede akiyo, tetere ekanisa ebwoi apakio kangun." Arai ejai idio yeneoliori, emameete akeokot akaninika, naarai akoto eong alai kama ejaas aokot nuka imodiotunganan kotoma apak kangin, aso arai iteglikina ijo, inyobo, erai ngin, koipone lokajokan loka epaperone, ebuni ngin araut naejok. Kwana, konye, aticepak epukori Ejakait icebore yenibuni aingarakin oni kere, nepepe.

18 Kwana, ibore yenisodit, iseseni oni ebe abu Ngesi kopukor. Kwana kijeni oni Loerai Ngesi.

Kwana, kiton kwap, kwape abu eong alimuna nuikamunitos aicokicok, ka aibatisao kokiror loka "Papa, Okoku, Emoyo Lokalaunan" kwape araut aibatis naka Atulik konye mere Protestant arai aibatisao naka Aitutuket Nakitetet, amuno eong ebe abu eong etacau ngin. Ido elip eong idiotunganan yenepedori aitodun ekokoro neaponi kibatisaere idiotunganan kokiror loka "Papa, Okoku, Emoyo Lokalaunan," elipit kobu itodik eong. Ido ti eong ewadikak opuraka ebe, "enabi lokengalat," kasodi aitor orot. Kwana, etarauni eong ngin...mere araut loaninik, konye bon aitodikin yes ebe erai Abeit. Ianyu?

19 Kwana, kopukori do Ebaibuli Ngesi kane, ebe erai Ngesi Edeke Lokapedor kere, aKekuan kakidingosiwok. Ianyu? Mam Papa, Okoku, ka Emoyo Lokalaunan; mam erai idekesio iuni, araibo Edeke

ediopet etiakatiakatai toma aiboisio auni. Erai Edeke ediopet loabu kiswama kotoma oyapesin iuni: araut Papa, Okoku, ka Emoyo Lokalaunan. Edeke ijesun komanikor loka Eden, etamit abongun neejai etau loka etunganan, kanu ajar kosodete araun isap ka apesur nuka Edeke bobo kede Nges. Erai nen Edeke kokujuwok, Edeke ejaas kaoni, Edeke kotomawok. Ngin nges aitegelikinet. Ianyu?

Ido kwana iboro ngul, ido epukorit Ebaibuli ngin ido elimunit cut ejok noi ngin kotoma osula losodit loka Apukokinio; loerai Eitabo bon kotoma Obaibuli, kotoma Aitutuket Nakitetet, iitabon kere luka Aitutuket Nakitetet, ngol bon nges Eitabo loabu Yesu ibwaik aipuceteKe toma. Kosodi Ngesi atemar ebe, nasoditike, "Isirerengitoni ngin yenesiomi ka ngin yeniiirari." Ido kotoma angeset, abu Ngesi kotema ebe, "Arai kelema itunganan awai idiotutubet kotomake, arai aiyatakin idiobore tomake, elemario kwape kwangin, ekewai, kotoma Oitabo loka Ajar." Aso erai ekenit kanuka idiotunganan alemar idiobore awai, erai na Apukokinio naileleba naka Yesu Kristo. Aso arai kitarau oni Nges iuni, ijenete yesi nuiswamaunos. Itei ijo, enyouni ekonikiror kinga.

20 Ido emamei idio, emamei Protestant, emamei ekanisa lokolosek loeyuunit idekesio iuni. Arai ibore yenapolon kotoma Airiamun naka Nicea, ido kes iarei kere apotu kolototo iwaitin luebucara; koipone *kalo*, kwape alimun. Luka *tiriniti*, itunga lukidekesio iuni lueyuunitos tiriniti, luapotu kangeset kiswamautu ekanisa loka Atulik, apotu kesi kolototo cut toma tiriniti, aitarau Edeke itunga "iuni". Ido ajaas lueyuunitos ebe arai Edeke "ediopet," kosodete kesi alosit ewai loce je loka araut *loimorikikina*. Ido kesi kere iarei ebucaritos. Mam Edeke epedori...

Mam Yesu apedori araut PapaKe elopet, ido karaida Yesu ajaut kede Papa ido Nges araut...ti ejaunos idekesio iuni. Mam ngin-ngin epedori aswam. Naarai arai ejaatar Ngesi kapapa, ido korai papa ecetunganan kilema Nges, akepolou ajaatar Ngesi...ido korai Emoyo Lokalaunan bobo ece, erai do Ngesi ikoku yenokal. Abala Ebaibuli ebe arai Emoyo Lokalaunan PapaKe. Ido arai kijaar oni Emoyo Lokalaunan, akepolou mam do erai Emoyo Lokalaunan, erai Papa kotomawok kokiror loka Emoyo Lokalaunan, itwasamai eyapesi kotomawok, naarai ajai sek toma otunganan loanyaritari Emoyo, kosodi abongun ido ejai tomawok kwana, Yawe Edeke ngopengol. Ianyu?

21 Emameete idekesio iuni. Idekesio iuni erai eikapirione ka amamus aiyyun, ido aponi koyangaunai iingaren. Ido korai bon ijo kopedori asalakin angetakin esabiiti ido komam aitoronit konye angicakinit, kolem ngin, akiro nukolosek. Kolem akiro nukolosek ngupengun nualemununei eong arai idiotunganan, adis akiro nukolosek. Koinakinai ajenutu ngin, ebe akiro nukolosek kere ecamanara. Mam ekewadikak akiro nukolosek ibore yenikamunit kede ewai edio, ipudasi bon kesi aitetemun abeit, nuapotu kiswamaunos. Ido osesen cut ejok eipone loabu ibore ngin ocedunor toma kama ejai Luther kosodi abunore kiton kaneejai Wesley, kosodi do aideleleun kotoma apaarasia nukawasia, aibatisao kokiror loka "Papa, Okoku, ka Emoyo Lokalaunan." kosesen ber ijo neebunitor toma okanisa loka Atulik kotoma Aturio nuka Amuton, abu kolom kinga kotoma Luther, kiton neejai Wesley, konye kiding Wesley ka Laodikia (awasiake) abeit aideleleun. Edolit ngin. Kwana, ido eraas nu kere akiro nukolosek, ido mere bon akiro nukolosek, konye erai Ebaibuli.

22 Ido kwana, atiibong na, ijai oni adolokin Aturio Akanyikaarei nuka Ekanisa nuerasi ikanisan ikanyikaarei luajaas Asia Nadidi kotoma apak kangin naka aiwadikao naka Eitabo. Ikanisan lu kotoma apak kangin akoto aticepak ajaatar kepitene loka aturio nuka ekanisa nuabeit abunore, naarai ebe...Ajaas ikanisan luepu adepar nen, ekanisa loka Ikolosain ka luipu ice kotoma apak kangin, konye abu Edeke kolem ikanisan lu kanuka ipitenesiokec.

Kwana, idumuni oni ebe abwoi Ngesi kakidingos naka ipirin luka atalai, ajaatar Ngesi kakaniniKe aacer akanyikaarei. Ido aturio ngun akanyikaarei, abala Ngesi, kotoma okokoro loka 20 loka esula lo 1, ebe "Eraas ngul imalaikan ikanyikaarei."

23 Kwana, kotoma Obaibuli mami kes apotu komisiikisi Apukokinio na. Naarai, anyoin bodo ajokis tikiswamaiki kes aikweny kaidareunit karai kojenete kesi ebe apote ajaun ikar ilukumin eroko Yesu kebuno? Mam aponi koinakinai kes.

Ido alimuni eong nejaas lu, neiijaas yesi itunga kane, yesi itunga luka Atulik, neiijaas yesi luka Lutheran, neiijaas yesi Methodist, ka ice da, mam aponi koinakinai neejai Martin Luther, Aica naejai toma Akirot lolo. Mam aponi koinakinai karaida neejai John Wesley, alimonokini John Wesley aitalaunio naabu Luther ilam. Ebalala Edeke Ngin, ido mam epukoritai mamawok naarai ibwaitai kama ejaas awokokonye kiton apak ngin naepedoria Edeke apukor Ngin. Mam eong ajeni nuebuni araun akaulo naka oni anyoun kane? Eebo, amuno eong ebe ejaas nuipu noi, noi numam oni ijeni nukec. Edolit ngin. Ejaas Aipuceta Akanyikaarei, arai kilem oni Eitabo kere loka Apukokinio, loipucakinitai kokau naka Eitabo. Mam erai ber da...mam iwadikatai toma Otabo. Ido ebeit Aipuceta ngun apukorio kotoma apak naka atur kana naka ekanisa, ka nuka aiyeiyea akanyikaarei nukawasia nuka Edeke ebeit aiteje-...aitejenuno. Oo, akoto eong aidar ngin akamu kere kasodete aitor angetakin Ngin. Eebo, ipa! Aturio Akanyikaarei Nuka Ekanisa.

24 Kwape abu Daniel kiiraria agirokoneta akanyikaarei, kosodete aisimik; kosodi Yokana akiirar iporotoi, kosodete aipucakin Eitabo lo, kosodete aipucakin kau naka Eitabo kede Aipuceta Akanyikaarei; konye kotoma apaarasia nuebeitor Aipuceta nu apukorio, "Engetakin aiyeiyea naka Edeke." Kotoma akiro ace,

ejenun Edeke mama ejai EkanisaKe; mere kotoma otunga iuni, konye kwape Etunganan ediofet. "Epukorio aiyeyeya naka Edeke," ido nengetakinere apukor ngin cut, kopukoros do nukaiyeyeya akanyikaarei neejai Ekanisa; naarai, kotoma kangina, ebuni Ekanisa ajar kokwap naka ainyonyoikiniyo naka Emoyo Lokalaunan, Nges elosi toma ka kinga ido itodianari Akeanyuneta nuka araut loejari ido kakidingosiwok, kojari akidingosiwok, kosodi konyet kimai do oni Kristo lokajaran loejai akidingosiwok.

25 Mam cut imoot ikanisan lukapolok ka iboro luapolok. Nekidolokinio oni atur naka Pentekosit, ianyuni teni ijo neapotu kesi kotwaniariata. Ekanisa elopet ebe Laodikia akepolou, "Ebarit, mam ipuda idiobore," ido kimujalal, itimitoi, emudukuna, icana, ido komam ejeni. Ianyu? Apotu kesi kocetoros awai akaulo naka amin isirigin, ka adukena, ka nginibore kere.

Nee, erai duc Ekanisa lomam emoot akwapin. Ido apotu kesi kodolotu ne: kongaras itunga, kongeroi, kotoma orotin, neepedoriat kesi ajar. Kosiom Iburanian 11, kosodi alemun ikokoron ikanykape lukawasia luka ngol, eipone "ariariatos kesi kamodingo, ido konapitos imukulen luka amerekekin ka imukulen luka akinei, ido koraas lukican, kisiriebai, ka aitakan." Itunga ngul, eipone bodo ali ebunio ajenanutuwo aibwo kitiiriani kanakec kotoma apak naka etube? Itei ijo, itunga ngul kotoma apak kangin.

26 Kwana, kotoma atur kana naka ekanisa...Kijaar oni ikanisan ikanyikaarei, kwana akoto eong ibwaikinai kinga. Mam eong aomit bala epedorete kesi asesen ngin kane, aticepak ipedorete ice kotoma yesi, abunokin eong ngin noi, konye abuni eong aitam aswam ngin, (Ajeni eong mam yesi ipedorete, luiboiete kokwap kotoma kane), aitarauun ngin Aturio Akanyikaarei nuka Ekanisa. Abuni eong aiting ngin akanika tetere yesi imisiikinite.

Egeuni, ageuni Ekanisa ko Pentekosit. Idiotunganan epedori tope aitepeg ngin? Mam, ipa! Ageuni Ekanisa ko Pentekosit kede Arereng naka Pentekosit, ido abu Yesu Kristo kinyonyoik kanu ainyikokin iingaren kiton apaaran nakawasia kede Aisiiraret ngipengin kede arereng ngipengin nges iswamai kotomawok Akeyakian nakawasia neejai Ekekanisa, Mark 16, "Kolototo akwapisinei kere, kolimonokis Akiro Nukajokak, etupanakinete aanyununeta nu ngul luiyuunete." Kwana, aibodo? "Neejai akwap kere." Nejai ingai? "Nginisubat kere." Luriokok, luarengak, ludosoik, luakwangak, idiosubat kere. "Etupanakinete aanyuneta nu ngul luiyuunete." Kwana, atibong na ijai oni arip alomar toma kangun, ageun aidulokin toma atibong na, kanginikuar atubun atutubet naati naka Ngin kiton nakidolokina oni neejai aturiwok obe naka ekanisa. Kwana, ianyuni oni arai ngin Akeyakian.

27 Kwana atur nasodit naka ekanisa arai ekanisa loka Epeso. Atur nakiareit naka ekanisa arai Sumuruna. Atur nakiuniet naka ekanisa arai Perugamo. Atur nakiwongonet naka ekanisa arai Suatira. Atur naikanyet naka ekanisa arai Sarudio. Kosodi atur naka ekanisa naikanyetekape arai Piladelupia. Kosodi atur naka ekanisa naikanyetekaarei arai Loadikia.

Kwana, atur nasodit naka Ekanisa abu kogeun nepetai okaru 53 akaulo naka atwanare naka Yesu, nges asipokinia Paul ekanisa kotoma-kotoma Epeso. Kotoma alositeke naka alimonokin, abu ngesi kopesik ekanisa kotoma-kotoma Epeso, Ekanisa loka Epeso, ido arai ekecokon loka ngol kiton apak natubore nges akou kokar 66, itarauni nges nepetai ikar 22 erai ekecokon loka ekanisa loka Epeso. Akaulo naka aketwanare kilimokinitai do oni ebe Paul Lokalaunan...arai Yokana Lokalaunan loka Edeke abu koraun ekecokon loka ekanisa kosodi ayangar ngol cut kiton atur na, kosodi atur naka ekanisa ailamar cut kiton okaru 170.

28 Kosodi do akaulo naka Atur naka Ekanisa loka Epeso, anyoun okar 53 akaulo naka atwanare naka Yesu kiton okar 170, kolomuni do Atur naka Ekanisa loka Sumuruna naabu kodau ageun 170 kiton 312. Kobuni Atur naka Ekanisa loka Perugamo, ido abu Atur naka Ekanisa loka Perugamo ogeun 312 kosodi ainyikokin kiton 606. Kolomuni do Atur naka Ekanisa loka Suatira, ido abu Atur naka Ekanisa loka Suatira kogeun okar 606 kosodi alosit kiton 1520, Aturio Nukamuton. Kosodi Atur naka Ekanisa loka Sarudio ageun okar 1520 kosodi alosit kiton 1750, Atur naka Luther. Kosodi do ageun 1750, atur natupakini alomun toma arai naka Piladelupia, atur naka Wesley; nageuni kokar 1750 kosodi alosit kiton 1906. Ido ko 1906 kolomuni Atur naka Ekanisa loka Loadikia, ido mam eong ajeni neengetakinor, konye amurounit eong ebe engetakin kokar 1977. Amurounit eong, mere Ejakait elimokinit eong, konye amourounit eong ngin katupite kwa ajaar aitapoet naponi ketodikin eong ice ikar kau, ebe, ikany kotoma oboro kangul adautu (kotoma ikanyikaarei) adautu aismawauun.

29 Nepetai...Imwasi bo ai iitunitos aitapoet ngin, kotoma okanisa? Abeit. Abala ebe, eipone loaraar ebe karaida Kennedy aponio aseun kotoma aseu natubor. Eipone loaraar ebe aponio acamakin angor aicak aseeta. Eipone loaraar ebe abuni Roosevelt ayangar akwap toma ojie. Eipone loaraar ebe abuni Mussolini aitenar lailo Ethiopia, akesurokinet nasodit, ido abuni akamar ngin; abuni ngin araut angeset, abuni ngesi atwanare akaulo kangun. Eipone loabeitor isisianakineta nu atakanunun kosodete abongor toma Communism; isisianakin yenika Hiller, ka Musolini, ka co-...Nazism, ka acie da, apote kere abongor nejai Communism. Ido ikar itomon ka lodiop eroko ngun, abu kolim ebe "Abeit oni alosit toma ojie kede Germany, ido abuni Germany ayuara kokau naka arwatat," arwatat naegogong, Maginot Line. Abu iswamaun koipone kangol. Abala kosodi do, akaulo kangun, abuni adolokin aiboisit na...aitodolikin ebe

abuni science aiyatakin noi kiton nakitolomunatar kesi emotoka, epote imotokan araut noinoi lueputosi bala "abeet" apak kere. Ido aponi itetemoi aitapoet ngin cut kanepekane nebwoio Church of Christ kwana, ko-...ore loka ikokiok. Charlie Kern, aticepak ejai toma togo atibong na, eboie kotoma aiboisit kangin kotoma apak kangin. Atupuruc naka Asabiiti adiopet nepetai esawa ediopet abu ngin iswamaun. Ido abbu kotema ebe, "Kosodi do abuni aitodolikin ebe apote kesi aitolomun emotoka lomam kes epudatar aijeret kotomake, apedorio nges aitetenit kede acepedor." Ejaatar kesi ngol kwana. Ejaatar kesi ngol kwana, kotoma apedor naka esipak, eyaitai kede acuma naenyaritai radar. Mam kesi karaida...erai ijo bon aicikikaikin aiboisit najai ijo alosit acumakon (radar), eyangari ngesi ijo, mam erai bobo ijo aijer ajeret.

30 Kwana, abu kolim ngun kotoma kane, "Kotoma apak kangin, ebuni ajaun aberu nakapolon enyouni ko United States." Ido anapit ngesi ido ibus, konye arono ngesi kotau. Kasodi eong alomar toma atiak irwanarei kotoma aitapoet, karaida apapula nados, abala ebe, "aticepak Ekanisa loka Atulik." Kosodi acamakin angor aicak aseeta abuni aingarakin asekun etunganan loaronon kanuka akwap kana. Ido ngun kes eswamata kesi. Bec. Kwana, ebala, "Ngin abeit araut ageunet."

Kwana icebore yenabu kolim, ebe...kosodi do katipet akaulo kangun, abu eong aanyu akwap na epuriori, abu oduor cut toma atutubet. Kwana, arai iswamauna iboro ngul, kwape kwangin nuce nuda. Ijai oni toma... Ngin nges apolou ajaar eong ne atibong na kanu ayangaun nu kasodi apesikin ngin nejaas itunga lu luejaas Jeffersonville, naarai akapanakin eong alosit toma omanikoria luka alimonokin eyapie apak bobo, ido mam eong ajeni apak na aticepak enyararere eong awai arai eyangarere eong. Eong-eong...mam oni ijeni ngun. Ido akoto eong kajeni ejok ebe erai eong...kojen ekanisa apak naejarete kesi kotoma, naarai ebuni Edeke aitepesen eong kanuka ngun.

31 Kwana-kwana, nginidiopet kotoma okanisan kalu, kwape ejaar kotoma Naiwadikaere kangina, ajaatar kemalaika. Ido arai emalaika e...Imwasi bo ai ejenete nuarai apolou naka emalaika ngol? Erai "ekiyakia," ekiyakia. Ido ajaas-ajaa imalaikan ikanyikaarei nejaas ikanisan ikanyikaarei arai akepolou "ikiyakia ikanyikaarei." Kwana, ido ajaas aacer toma Akanike. Ido kotoma Akanike itomon ka luarei lu...aacer nu akanyikaarei nuabeit aitodiar Aica naka Ajakutuke kotoma apak naka akuar nakijari oni kotoma. Kwape itodiaritotor aacer akolong naejai akwap, nges einakinit ngin ecai tetere oni ipedorit alosit, kasodete adolore kotoma apak naka akuar.

Kwana, idumuni do oni ebe, kotoma apak kana, ebe kanginidiopet kotoma omalaikan kalu ajaatar kede adoketait ka aiboisit. Ido, inacan, atibong na mam oni idolokini ngin, naarai ijeni oni emalaika lo loka ekanisa losodit, konye ebuni araut ibore yenikaiyeiyea ka aibuses adumun ka alemun kotoma akiro nukolosek, kakonyenekus, imalaikan luka ikanisan kaluce lu. Emalaika loka ekanisa losodit arai Paul Lokalaunan, nges egeuni ngol, ekiyakia loka Edeke. Emalaika loka Ekanisa loka Epeso arai Paul Lokalunan. Ekanisa...Kwana, apolou...

32 Kwana, luce lu ipedori ijo aitepeg, konye eboi eong kangina adaun apaarasia ka apaarasia kotoma kokwap naka ainyonyoikini kiton eong apupun Emoyo Lokalaunan etirori eong ka ainyonyoikin eong kanuka ngun. Ngin nges apolou najenia eong. Kasodi asesen itunga lu luelemununutai, arai irai ijo loisisiat akiro nukolosek, kesi...Itunga ngupengul luajaatar eong kane, ido ajeni kanuka apukokinio ebe keraasi kesi imalaikan neejai ekanisa, kejaatar kesi kaijanakin ngipengin najaatar lukotoma ageunet. Ido mam aijaanakin ngin epedori aijulakin, ebeit asalit erai na pentekosit angetakin erot kere.

33 Kwana, luisisiatos akiro nukolosek luiboiete kane elosete aitepeg eong kotoma otunganan kalo; konye kotoma okanisa loka Sumuruna, Irenaeus nges ajeni eong arai emalaika loka apak kangin. Polycarp, luipu kotoma kayesi itemarete ebe arai Polycarp, atemasi, ti yesi kitemasi ebe arai nges. Konye Polycarp agongakina noi neejai erionget ka neejai Atulik, ediini lojai alomun. Konye Irenaeus arai etunganan loenera kotoma angajepa, ido ajaatar apedor naka Edeke, ido apotu aanyununeta kotupakisi nges. Arai ngesi emalaika loka Edeke loka Aica, kosodi ngesi airiun Aica akaulo nadaunere aibubukin Polycarp arai aiyar, amudiar, akepolou arai Irenaeus ediopet kotoma ikesisiakake, ido arai Polycarp ekesisian loka Paul Lokalaunan...arai Yokana. Kosodi Irenaeus aikamar akeiboisit. Kosodi ayangaun Aica.

34 Kosodi emalaika loka Aica loka-loka Perugamo arai lokaumokin Martin Lokalaunan. Mam eong eyuunit ebe ajai etunganan lokaumokin loejaritor kotoma akwap, kokinga naka Yesu Kristo, adepar Martin Lokalaunan. Apedor? Apotu aarak kopotu neejai ngesi kanu atubor akekou (eyuunit ngesi aanyuneta kede nukaumokin, ka Arereng naka Pentekosit), ido nakelosioto kesi neajai, alosete kesi aiar nges, abu ngesi kidola ekelou kosodi aijaikin ekemosing nejaas kesi. Kosodi ekaaran alemun ekileng kanu atubor akekou, abu apedor naka Edeke konanga ngol awai kamake, kosodi ngol aliar kakunginike kanu ailip nges...?...Amen. Arai ngesi emalaika neejai ekanisa.

Iceboro. Kosesen eipone loabu ngesi...Ediopet kotoma onacanake aponi ikajakinai, ajai ngesi orot aitam adumun ngol, itei ijo nuapotu kiswamaunos. Nakedolio ngesi ngina, adaunitai aikajakin ngol. Aperi ngesi koterara, kotwanite, koneuna akekonye kinga. Abu ngesi kolot mamake kosodi aibirokin kwap kakunginike kosodi apero kokujuke adaun esawa ediopet, ilipi neejai Edeke. Kosodi apedor naka Edeke abunore neejai etunganan kosodi anyoun, aikeun akekan kosodi anyoun alosit awai kede ngol

kanepekanen. Eraas ngun akiro nukolosek, kwape bala George Washington, Abraham Lincoln, arai ani bobo ace. Erai akiro nukolosek.

Eebo, ipa! Martin Lokalaunan nges arai emalaika neejai ekanisa loka Perugamo, loerai, ekanisa loka edukone loeyangari kes nejai Etulikane akaulo kangun.

35 Emalaika loka ekanisa loka-loka Suatira arai Columba.

Emalaika loka ekanisa loka Sarudio, ekanisa lokatwan...Akirot ebe Sarudio akepolou "Etwanit." Abu kolom kede ekiror, mere Ekekiror, "Konye ekiror ebe ijari, konye itwanit ijo." Kosesen eipone loapotu kesi koyangauniata aibatisao ngin kotoma apak kangin. Itei ijo, elomunit kotomake. Emalaika loka ekanisa loka Sarudio arai Martin Luther, ekesiteteunan losodit.

Emalaika loka ekanisa loka Piladelupia arai John Wesley, ekiyakia.

Kosodi emalaika loka ekanisa loka-loka Laodikia mam ber ejenuna. Ebuni ajaun kadiopepak, konye aticepak...toma akwap. "Ngin yenejai akit..." [Aiboisit naemamei ibore kotoma ateepeu-Ekewa.] kojenei atur na naijari oni kotoma. Ebuni Edeke aswam etube loka ngin.

36 Kwana koany kwana, ilomari kwana oni toma kaNuiwadikatai, abongor toma atur nasodit naka ekanisa. Kwana akoto eong...kijaar eong kiboro luiwadikatai kane karai ti yesi kopedosi apupokin ejok.

Ekanisa losodit, ekanisa loka Epeso, aswamiso nuka ekanisa, nuabu Edeke kitoronaria kes, nges aswamisiso komamei amin. Ekeceropit arai Ekitoi loka Aijar.

Ekanisa loka Sumuruna arai ekanisa loareitai, abu kitor toma aiticaneta. Eropit arai aboko naka Aijar.

Ekanisa lokiuniet, Perugamo, atur naka aisisianakin naka aingal, aingal naka Satan, ka apetetai naka eipugae loka luipaapa, edukone neejai ekanisa kede apugan. Eropit kerai emanu loebwaitai ka amoru nakwangan.

37 Ekanisa loka Suatira arai ekanisa loka aijodijoditai naka ipaapa, Aturio nuka Amuton. Eropit arai apedor ka ayait akwapin, ka Acerit naka Atupuruc. Araas ngul idis luapotu kotuboros.

Ekanisa loka Sarudio arai atur naka aisikwarunio, ekalimonokinan lokaumokin...araibo mere ekalimonokinan, ikiroria luibwa, ajaatar kesi ikecekiroria ikulepek. Ido eropit arai anapito nakwangan, ka ekiror Oitabo loka Aijar (naebuni kotoma otube). Apotu oni kaanyutu ngin apak kaya, Eitabo loka Aijar; abeit ijo ti atubokinio kaneejai Eitabo loka Aijar. Ijulakinio lukalaunak kosodete ayangar komameete ngun, mam kes elosete nen.

Atur naka Ekanisa loka Piladelupia arai atur naka amin naka iinacan, atur naka ayakian nakapolon ka atur naka alimonokin nakapolon, ekek loengaara. Ido eropit arai e-epir. Apukorio naka ikiroria luka Edeke abeit ajaunt kotoma-kotoma atur kana, neabu kolosio kiton 1906. Eebo.

Atur naka Laodikia kerai ekanisa loajalam, kobarite, kipu iboro, komam ipudas imodiobore; konye kitimitoi, kicana, kemudukana, ido kilwaritai, ido kimujalal. Ido eropit arai aiboikin Oicolong kede Ejakait, ngul luipikorete atur ngin.

38 Kwana eitetemune, atiibong na, kanu aitodikin ijo mot nuikamunitos aijaanakin atibong na, kilosi oni alemun esula lo 2 atur nasodit. Kwana oni...

Epukoritai Ngesi ido ijenei oni Loerai Ngesi, erai Ngesi Edeke!

Kwana, egeunit atur naka ekanisa kwape alimunitor eong, okar 53 kiton 170. Ido eibuga loka Epeso, nges ediopet kotoma oibugai lukapolok luka Asia; enyaritai duc nges kwape eibuga lokiuniet loka Aiyuun naka Ekristayone (Losodit arai Yerusalem; lokiareit Antioch; ido lokiuniet, Epeso) ...ere loka aisubisa naepol ka agwelanar...apugan arai naka Iromayon...(f) angajep kerai Ayonanin. Iyuunitos ekewadikak akiro nukolosek ebe Yokana, Mariam, Petero, Anderea, Pilipo kere aponi kidaikinai ngina. Ido ajenara Epeso kanuka akeibuses.

39 Eikritayone ko Epeso ajai neeboito Iyudayan, ko Epeso. Ido aponi kogeunai nepatai okaru A.D 53 arai 55. Eikristayone arai Paul Lokalaunan eraikini nen. Ekaulo, abu Paul kodau ikar iuni kotoma Epeso. Abu asisianakin naka Paul iswama kotoma aijar naka ikeyuunak kotoma Epeso. Loatupakini, Timoteo nges arai ekaanyanaran losodit loka ekanisa loka Epeso. Abu Paul kiwadikak neejai ekanisa loka Epeso. Kotoma apaarasia nuka Paul arai ekanisa lokaumokin.

Epeso akepolou ebe...ekiror elopet ebe *Epeso* akepolou "Ajalakin kolot, kilajaar, abongo kau." Abu Edeke konyara, "Ekanisa loabongo kau." Abu Edeke-Edeke kocamunita akeceswamisiso nusodit, akeceitaritai, ka akecetitingikin. Abu Edeke kitoron epone loajariata kesi, ajalakin akecemin nasodit, kanu abongor kau, ido kanumam ainyikokin aitodiarit Aica. Mam Epeso arai ekanisa loengalangalaitai, abu kibiror kanu mam ainyikokinit kotoma amin naitekoro.

40 Akiro nueuriaka kanuka Epeso: Araitō, komamei amin, abu koyangau apaar. Aisumuneta: Esumunikitai Paradais kanuka lukalaunak luka Epeso kotoma atur naka ekanisa, nainakinitai Ekitoi loka Aijar.

Ibore yenibus nges yenita. Elimunitai Ekitoi loka Aijar irwanauni kotoma Ageun, irwan auni kotoma Apukokinio. Irwan nasodit naelimunitere arai kotoma-kotoma Ageun, arai kotoma Eden, ido arai Kristo nges Ekitoi ngol. Irwan auni nuelimunitere kotoma Apukokinio, kerai Kristo ko Paradais

41 Kwana igeuni oni kotoma osula losodit loka Epeso...arai ekokoro losodit loka esula lo 2, ekanisa loka Epeso:

Kiwadikak emalaika loka ekanisa lokotoma Epeso ebe: Inera kwanata ngol loitingit aacer akanyikaarei kakanike nakoteten, loelosenenei kokiding ipirin luka atalai ikanyikaarei luka esabu ebe:

Yokana nges e-ekiyakia kapak kangin. Lokelosi kokiding naka ipirin kangul luka atalai ikanyikaarei luka esabu kerai Yesu Kristo, Edeke lokapedor kere. Inyobo ejai Ngesi aswam? Mam kereka Ngesi abala ebe ajai Ngesi alosit kokiding naka epir loka ataala *ediopet*, alosi Ngesi kokiding naka ngul kere. Inyobo itejenunit ngin? Ebe erai Edeke ngopengol, bian, lolo ka ikar kere, ido kotoma kanginitur naka ekanisa ido neejai nginikeyuunan. Ebuni Ngesi nekeng...kede Emoyo Loakalaunan neejai nginitur ka neejai nginikeyuunan; ngesi ngopengol bian, lolo, ka ikar kere.

42 "Itिंगite kotoma akaniKe nakoteten." *Akan nakoteten* akepolou Ake "pedor ka agogong." Kitingite kakaniKe nakoteten (kwap, eyaitai) ikiyakia ikanyikaarei nejaas aturio akanyikaarei nuka ekanisa. Oo, amina eong ngin. Asesen Ngesi irimirimi toma aturio nu nuka ekanisa, Kristo itejenun otungaKe cut kiton toma Aturio nuka Amuton, cut kotoma kanginitur; kojai ekanisa araun erionget ka anyoun awai, kosodete ice alosit owai ediopet luce owai loce, konye idis ngul luka okanisa kosalakinitos edongakina, kismwai Kristo kede kakes, kitogogongi Akekirot; angetakin Ngin cut kere.

43 Epatana noi aanyun eipone lokijaunor oni kanukijaar oni lolo, kigeu ijo aisisia nu. Kwana, kane kotoma ageunet...acamunit eong ebe yesi kere ipedorete asesen aojau na. [Kitodiari Onac Branham kotoma abao-Ekewa.] Atur adiopet na, erai ngin Pentekosit. Atur nakiareit naka ekanisa, nakiuniet, nakiwongonet, naikanyet, naikanyetekape, atur naka ekanisa naikanyetekaarei. Kwana arai kisesen jo na ejok noi neteni, ageuni Ekanisa ko Pentekosit. Imwasi ai iyuunitos ngun? Isesenete yesi nuapotu kismwamaunos ko Pentekosit? Kasodete do asesen ekanisa kwape kelosio kiton kwap. Egeuni aiyat amiriaar motimot nepetai, kikunyi aekar motimot nepetai, motimot nepetai; motimot nepedit, kolosi kwap kopone *kangol* kwape ejaar Ekanisa obe lokabeit alomar kinga.

Kwana, Kristo ngol...mamace arai edit ekanisa biai, "Nejaas iarei arai iuni etukokina kOkiroriKa, ajaun Eong kidingikec." Netukokinotor kesi nepepe kotoma kangai? Kokiror loka Methodist? Kokiror loka Baptist? Kokiror loka Pentekosit? Kokiror loka Yesu! Netukokinos iarei arai iuni nepepe, mamace arai ikidioko biai. Ido elosete kesi aikidiokor noi kotoma apaarasia nukawasia kiton, abala Ngesi ebe, "Eyangaikini Nges abunore katipet kosodi aiturian aswam arai mam ti emameun akuan naitajario kanuka Auruporio. "Netukokinos iarei arai iuni nepepe KokioriKe!

44 Kwana, airimokinet nasodit, ikiyakia. Kwana, iseseni oni ebe erai na ageunet, Pentekosit. Elosi Ngesi irimirimi kanen, Edeke ngopengol lokapolon, aanyununeta ngupengun nukapolok abeit aismwamaunun anatar aturio nu kere naarai alosi Ngesi kakiding naka nginitur. Aisirereng inyo? Iketunga luetukokina KokiroriKe.

Akoto eong ijo asesen kotoma kanu kwape kilosio oni kotoma okanisa. Ajaatar ekanisa *lo* ka Ekiror, loka Yesu. Ajaatar ekanisa *lo* ka Ekiror loka Yesu. Ajaatar ekanisa *lo* ka Ekiror loka Yesu. Kosodi ekanisa *lo* aitoolor Ngol. Abu ekanisa *lo* kolom kinga, atur naka Luther, kede "ekiror ebe ijari, konye itwanit." Kosodi alosit cut kiton angeset naka atur *kana*; ido kiding naka atur kana ka atur *na* ejai ekek loengaara loesipokinitai loinyakuni Ekiror ngol bobo neejai ekanisa. Kwana kosesen kosodi aanyun arai erai ngin Abeit, akaulo naidumunia oni ngin kane kotoma Naiwadikatai. Kanen kakidingos naka-naka aturio.

45 Kwana, akuar naka amoi abuni eong aitam asipokin ngin kane tetere oni kere ianyuni ngin. Ido abuni eong aijesun kwap apaaran naka amoi kosodi ainomun kanu...ace kotoma ainapeta nuakoto eong einer kede yes nukec. Ido arai ejaatar idio kayesi akiro nukolosek, koyangau kesi da. Araibo iwadik akonikiro kosodi alosit aingadis naka iitabon arai neneice kosodi alemun akiro nukolosek, kosodi aisiom ngin kosodi aanyun arai edolit na.

46 Kwana ekokoro losodit. Inyobo iswamai Ngesi? Ejai Ngesi ayogan kes.

Kiwadikak emalaika loka ekanisa lokotoma Epeso...(nejai Yokana) ebe: Inera kwanata Ngol loitingit aacer akanyikaarei kakanike nakoteten, loelosenenei kokiding ipirin lukatalai ikanyikaarei luka esabu; (erai ayogan)

Kwana ekokoro lokiareit ka ekokoro lokiuniet, itojokaariti ngesi kes:

Ajeni akoniswamisisio, ka aitaaritoi, ka angirikinitekon, ido kwape mam ipedoria atitingikin itunga lukaronok, ido ibu kitem ngul luenyaras bonik ikiyakia, kwabo mam eraas, kodum ebe keraas ikengalak.

Itei ijo, ebe adaunit apaar ngin ageun alomun toma, kotoma atur kana nasodit. Adaunit ageun cut kangina; naarai luseuna ka Ekanisa lokabeit loakoto aricit itubesia luka Ebaibuli, ka aricit Akiro nuabala Yesu kotoma AjenanutuKe, adaunitos kesi agear aikunyar awai. Abu icebore kogeu aiswamaun, ido ajaas ikesisianakinak lukengalak anyoun, itunga luesisianakinete erono, kitegelikina kede Naiwadikatai, atamitos ayangaun toma icebore arai ayatakin icebore.

Ngin nges apolou naabu Ngesi koinakinia aKepukokinio neejai ekanisa kosodi atemar ebe, "Idiotunganan yenelemari arai ayatakin toma, elemario ekoniwai kinga naka Eitabo loka Aijar." Eoliorit ngin, Onac! Mam imunaari Akiro naka Edeke! Mam ace arai imusungi Ngin ingai arai itakadikini Ngin ingai, kolim ijo Ngin alimun kwape kwangin. Mam oni ipuda idiobore yenapolon, mam oni ipuda esasedoti edio arai idiobore kanu aijulakin Ngin mamawok, Edeke Emoyo Lokalaunan nges ekejulan. Einakini Ngesi aijulunet.

47 Kwana, arai kianyu ijo, aibelokin kama ejaas arokisio ka adumun inabin lukengalak, akaulo kangun aponi kitogogongoi kesi araut ikengalak, luejaas kede aput naka ayongit Edeke. Kosesen eipone loabu ekanisa kogeunia araun erionget kotoma apak kangin? Kogeunete kesi asubit bala aijesun itunga kwap kokwap naka ainyonyoikinio naka Emoyo Lokalaunan, ainakin itunga asubit bala ekienatar kes.

Eebo, mam kereka Yesu abala, "Kisrerengitai yes nakireitere kanuka adolit"? Mam Nges abu kobala ebe ageun araun erionget. Abala Ngesi ebe, "Kiyalamikinos, ido kolakaros noi, naarai apotu kogeutu aire inabin lukigeikinete yes." Alimunit Ngesi ngun, kotoma akiro nuenera Ngesi, kotoma Matayo 5, "Kisrerengitai yes!" Kanukinyo, itunga akienar ijo kanu naarai imina ijo Ejakait Yesu, erai arereng kanu kes alimun ngun. Ejaas bon kesi...nakikienatar kesi yes, ejaas kesi ayangaun arereng naka Edeke neijai ijo. Ebongokini ngin kes. Naetamiata kesi akienar yes kanuka araut Ekristayot, inyobo, ebongori mamakec, ido einakini Edeke arereng, naarai, "Isirerengitai yes nakireitotor itunga kanuka Ekakiror, "Isirerengitai yes." Kanuka Ekekiror, "Isirerengitai yes!"

48 Kwana idumuni oni ebe akotosi kesi ageun ka alomar toma aput naka ayongit Edeke.

Kwana ti eong apedo abwoun kane cut kasodi alimun icebore, acamunit eong abuni eong abwoun. Ijo ibu komisiik ebe kanginisikwarunio...Kwana, inacan lujanakinak, kwape apotu Yakob ka Rebeka kourunatar imuatok: Esau kede Yokob apeleikinit eong Isaak aiboisit naka...Isaak ka Rebeka, aiboisit naka Yakob. Abu Isaak ka Rebeka kourutu imuatok. Arai papa lokalaunan, alaunit toto, konye apotu kesi kouruutu itelepai iarei: Esau ka Yakob.

Kwana, kesi kere araas luekediini. Konye Esau, neadolokinio aswamisisio ka nuswaman, ajok kwape loka ikisila, arai ngesi aticepak etelepata loajokojokot, apak kere anatar, adepar kwa ajaar Yakob. Ijo ijene lem ngun? Arai Yakob itelepata yenididi yenayapie kaneejai toto apak kere. Konye Esau alosi kinga kosodi aswam, alosi kinga kosodi ayangaun inyamata ainakin papake emuduk loamojongit loarai enabi, atamit ngesi aidarit ngol. Konye ajaatar Yakob ibore idiopet bon toma aomisiioke, akoto ngesi apedor ngin naka aurunio! Mam nges apodo arai eyangaikini aojau anyoin nges ayaput kanen arai nueswamai ngesi kere, ibore yenapol kotoma aijarake arai apedor naka aurio! Ido komwangite Esau ngin.

49 Kwana mam ijo iseseni etunganan loka akuan-etunganan loka akuan? Nakebunio aisikwarunio, ejaas itunga iarei luelomunete kotoma kanginisikwarunio. Ejai etunganan loka akuan loelosi ido ebuni ngesi toma olutaari kosodi atemar ebe, "Eebo, ipa, acamunit eong Kristo kwape Eketajaranika." Elomari ngesi kinga, ido inyobo iswamai ngesi? Ibore yenisodit yenijeni ijo, engetakini ngesi kotoma obore ice yenelilim, ekanisa loka erionget, naarai eomit ngesi ebe, "Ijeni ijo, arai aloma eong okanisa, ajok do eong kwape etunganan losiep. Eong da mam cut ajok kwape *Mutan-ka-mutan*? Aitegelikinet anyoin iswamauni ngin bon ebe ajai eong okanisa ido alimorite akalimoret?" Inyobo, erai aitegelikinet kere. Ekoto kourunai ijo irwan nakiareit. Ekoto ijo kojaatar apedor naka aurio.

Ido mam Yakobo apodo arai akienare nges biai. Akoto ngesi apedor naka aurio, ido mam nges apodo arai ayangaikini inyo kanu nges adumun ngin.

50 Kwana, itunga luipu mam ekotosi adumun apedor naka aurio naarai eomitos kesi ebe erai ibore yenimam ibus. Mam kes ekotosi alosit olutaari kosodete aimony mot, arai aikany ber etengei mot, ka-ka ibore ice. Mam kes-kes-kes-kes ekotosi aswam ngun. Ido angor nuipu...nuipu, kayesi ijenete, ai-...aijuk akuan, eomitos kesi ebe arai emonyata ilotarete kesi ngol awai, ejaun do bobo kesi aisutakin ece. Inyobo, kesi...erai...Mam eong apeleikinit alimun ngin kanu ebe ainyanakin, amuno eong kinyek apupun kwangin, konye erai ngin abeit. Mam kes ekotosi Ngin. Mam kes ekotos aurio nakiareit, naarai aurio nakiareit esubit bala imodimodi. Esubit bala aurio nace ya. Aurio adio kere erai aimodimodun, mam eong apodo arai ai ejaunor ngin. Arai erai aiboisit naidarere ipegei arai toma odula, arai erai toma agola naka adekis naeculitai pink erai aimodimodun.

Ido kwape kwangin Aurio Nakitetet erai aimodimodun! Amen. Ebuni ainakin ijo aswam iboro lumam ijo iomit ebe ti ijo iswama; aibwo kosodi airam atenus, arai awoere, "Aibuses kojai mama ejai Edeke! Aleluia! Kituritete Edeke! Aibuses kajai mama ejai Edeke! Inyobo, isubit ijo bala ebang. Ngun kes abu kiswamaik ikiyakia, ngun kes abu kiswamaik abekot Mariam, abu ngesi kosub bala amera. Arai ngesi naemodimoduna kotoma otunga, konye eyangaikini aimodimodun kanu aijar alomun kinga. Amen!

51 Arai mam icebore etwani kosodi aibos, mam aijar epedori alomun kotomake. Arai mam etunganan etwani kosodi aibos kotoma aomisioke elopet, mam Kristo epedori alomar otauke. Neitamitor ijo aomoom kanukon, "Kwana arai kalot eong kuju olutaari kasodi atemar, 'Eebo, Ejakait arai eong-eong etunganan loajok, acamunit eong Ijo. Abuni eong aitac ikatomoneta. Abuni eong aswam nu,'" ekoto ijo kotwana kosodi aibos cut kotoma aomisiokon. Ikama Emoyo Lokalaunan kosodi aswam nuekoto aswam kede ijo. Kosub bala imodimodun kede ngin. Epupo ngin bala naetiono noi, mam erai amunaar, konye erai Abeit. Erai ngol bon nges eipone loajeni eong loka anangun icebore kinga tetere ijo ijenuni Ngin.

Inyobo kerai ibore yenimodokok adepar atukot ngin naka Iyudayan kapaaran ngin, itia aanyun itunga lu elomunete kede angajepa nuamaranete? Ijeni ijo nuera i aingejengej einer? Ha, ha, ah, ah, ah, ah, ...?...Acengajepa, ido kosubito bala itunga luemer. [Itetemori Onac Branham eipone loiswama etunganan loemera.-Ekewa.] Ha, ha, ah, ah, ah. Ngun cut becebec kes eswamaete kesi. Atakanete kesi bala emodimoduna!

52 Kosodi ngesi atemar ebe, "Itunga lu kere emer. Kereka ebino loitetet?"

Konye ekaulo abu ediopet kosub bala enyuni, kosodi atemar, "Kojenun na mamakus, ido kopupokisi akakiro, mam itunga lu emer. Kwape iomitotor yesi." Konye abu ngesi kobongo toma Naiwadikatai, "Eraas nu nuenerit enabi Yoel ebe, 'Ejaun kotoma apaarasia nukawasia,' ebala Edeke, "Abukokini Ekamoyo nejaas awate kere."

Ngol nges eipone loaponi kourunere Ekanisa irwana nasodit. Imwasi bo aii iyuunitos ebe erai Edeke loemamei esange? Akepolou mam Nges ijulanakin. Ido arai erai ngin Akeomisioit kanuka Ekanisa kotoma ageunet, eipone Ekanisa kangopekangol nges ebuni Ngesi ajaunor awasia. Mam Nges epedori aijulakin. Kwangin eipone ali ipedoria ijo ailocokin nen ayogan, arai aicokicok, arai-arai icebore yenimam eswamauna kangina? Nginidiopet kotoma ikiyakia abongori cut neejai ngin.

53 Akaulo kesi aswam iboro lu kere...abu Emoyo Lokalaunan kodoik kes, abala Petero ebe, "Ejai yenedepori aisimik akipi, kwape kianyunia ebe adumutu lu Emoyo Lokalaunan kwape kaoni kotoma ageunet?" ido kicorak kes aibatisaun Kokiror loka Yesu Kristo. Erai ngin nakabeit.

Abu Paul kolot kosodi adumun itunga ecelanaros, iyalamasi, atukot naka luka Baptist itopoloritos Edeke, kosodi ngesi atemar ebe, Aswamisio 19, abu ngesi kotema ebe, "Ipotu kereka kodumut Emoyo Lokalaunan ageun nakiyuuniata?"

Apotu kesi kotemas ebe, "Mam isio ijeni arai ejai Emoyo Lokalaunan."

Ebala "Eipone bo ali kibatisatere yes?"

Apotu kesi kotemas ebe, "Ibatisat isio etunganan ngopengol loebatisai Yesu, Yokaana Lokebatsian."

Abu ngesi kotema ebe, "Eebo, mam bobo ngin epedori aswam." Ianyu? Abu Petero kodau aipucakin ngin kotoma Apaaran naka Pentekosit. Ajaatar ngesi kelacet. Ianyu?

Ebala ebe, "Mam bobo ngin epedori aswam, ejai yesi aitemun aibatisao bobo." Kwangin abu ngesi kibatis kes bobo, Kokiror loka Ejakait Yesu Kristo. Kidokok kes akekanin, kosodete kesi ajaun kede ejautene ngopengol loajaatar kwi kotoma ageunet. Abu Emoyo Lokalaunan kodoik kes, kogeutu einer kotoma angajepa ka aidwar.

54 Kwana, arai ngol Ekanisa kotoma aturio kere. Kwana, ageuni cut kane kotoma ageunet.

"Ajeni Eong atitingikinitekon. Ititing teni ijo abeit, ajeni Eong ngun...Kwana kiitu, erai Eong nges Ngol loelosi kakidingos naka ipirin luka atalai. Ajeni Eong akonititingikin ka akoniswamisio ka akonitaritoi, ka akonimin, ka acie da. Ajeni Eong kere nuiswamat ijo. ido ajeni Eong ebe item ijo itunga lu luenyaraikina bon ebe 'inabin, ikiyakia,' kosodi adumun ebe eraas ikengalak." Oo, erai ngin cut naidelelei, mam? Mam eong ikamunitos ngun, ikamunitos Nges. Abala Ngesi ebe keraas ikengalak.

55 Konye abala Ebaibuli ebe, "Item etunganan. Arai ejai idio kakidingosikus yenimoyoikinit arai enabi, arai ebala ebe erai ngesi, Eong Ejakait etejenun mamake. Enerakinos Eong kede nges kotoma aitapoeta ka airujasia. Ido arai kitodolikin ngebala ngesi, kiras do nges; mam ikuriakaros nges. Konye arai mam itodolikin, mam ipupokinete nges, emameotor ngesi Akakiro." Koany, arai erai Akekirot, ebuni aiswamaun.

Apotu kesi ojenutu ebe mam ikesa ngul enyikokinitos kwa abalar Ebaibuli. Itei ijo, atamitos kesi

alemun icebore yenagitara. (Akoto eong aidar aomisiokus okapakina kwana, nakidolokina oni neejai ibore yenetiai kotoma adagikan adis.) Kwana, kosodi ngesi atemar ebe, "Aseseni eong nui...ebe ijaatar ijo angirikini ka atitingikin ka...kede kes. Item ijo kes kosodi adumun ebe mam eraas ikiyakia. Mam eraas."

56 Kwana, kwape abalar eong kanu ageun, eroko oni kegeuna kotoma kanu bobo, kanginisikwarunio itolomuni imuatok iarei. Idiopet itunganan yenikomoyo; yenice itunganan yenikakuan yenikakwap, "Abu eong aloma okanisa, ajok eong da kwape idiotunganan kere." Ido ngun kes abu aisikwarunio na kitolom. Ngun kes itolomuni, nginisikwarunio kere. Ngun kes abu naka Luther kitolom, ngun kes abu naka Irenaeus kitolom, ngun kes abu naka Martin Lokalaunan kitolom, ngun kes abu naka Columba kitolom, ngun kes abu naka Wesley kitolom, ido ngun kes abu Pentekosit kitolom. Cut becebec.

Itei ijo eipone loalosioto kesi araun icokat? Apotu kodukoto ikecekanisan kosodete alosit awai cut, ka aiboisio nukapolok nutiok ido (Ikatunga!) anyoun ido ainyogonyog Aiyuunet naka ikiyakia. "Eyuunit eong Ekanisa Lokalaunan loka Roman Katolik, ka eidicane loka lukalaunak." Idioutunganan yeniyuunit eidicane loka lukalaunak erai yenika imoyon. Idiobore yenedicas kede lukatwak erai ajokit. Edolit ngin cut becebec. Kijaar oni ekapuron ediopetebon kiding Edeke kede etunganan, ngol nges Yesu Kristo. Edolit ngin. Ngun kes abala Petero.

57 Ido yesi itunga luketiai luka Atulik inyaritos nges ebe "Ipaapa losodit, ido Petero kwape ipaapa losodit loaupitos ka Yesu."

Kosodi ngesi atemar ebe, "Ejai ekapuron ediopetebon kiding Edeke kede etunganan." Ido lu kijaatar yesi ice ilukumin itomon lolo. Inyobo ejulakinor noi, arai mam ekanisa ibironor ido mam ijulanakin? Akus atukonokineta kere elimonokinio kotoma Latin tetere mam ijulakin. Inyobo abu kiswamaun? Aibo idumakinete yesi Aiyuunet naka Ikiyakia kotoma Obaibuli? Arai ajaatar ikiyakia kadioiyuunet, arai ebe "Kitoronokinos kibatisaunos nginidiopet kayesi Kokiror loka Yesu Kristo kanu aisionio naka adikanaretakus." Emamei bobo aiyuunet ace napupunitor eong ebe kejenete kesi arai kinyogonyogoete idiobore ice.

58 Konye nuikamunitos "Ikanisan lukalaunak loka Roman Katolik" ka iboro luce lu kere, ka "Edeke Papa Lokapedor loidarit akuj kede akwap," eraas ngun abanganut. Ianyu? Edolit ngin. Emameete kotoma Obaibuli. Emamei ibore kwape nat kangin kotoma Naiwadikatai. Erai etal loiswamaunitai loapotu kesi kiswamautu. Konye erai...ailipasia kere ka nginibore erai ibore yeniswamaunitai.

Ipedori oni aanyun kwana ebe luka Protestants wok, kidol oni kwap ne, apotu kolototo awai cut. Ido kwape abalar Billy Graham Naesabiiti ebe amunaros itunga noi kiton nakeomitotor ebe edolitos kesi konye ibiroro." Edolit ngin. Erai ngin nakabeit. Eyalama eong noi ebe arai eong...Naarai ajeni eong ebe abu Billy Graham kodum Emoyo Lokalaunan kokwap naka George Jefferies kalaije, konye adiopet kotoma apaarasia kanu ebuni ngesi alomun kinga naka ngun. Itwasamai Edeke nges kangipekangina kopekwana, naarai epedori ngesi aijangijang akabakanut ngin naecicing idiotunganan adolokin toma. Konye ipedori ijo aanyun akelimonokin, ebe ejai ibore kau naka ngun, kanuka ice kalu kane luka Baptist luiyoganakinos. Eebo, ipa!

59 Kwana:

Ajeni akoniswamaisio,...ka atitingikinikon,...eipone lomam ijo ipedoria...

Kaanyutu kwana, ajaatar eong...

Ajeni eong akoniswamaisio, ka akonitaaritoi, ka akonititingikin,...eipone lomam ijo ipedoria atitingikin itunga lukaronok: ido ibu kitem ijo ngul luenyaras bonik ebe ikiyakia, kwabo mama eraas, kodum ebe eraas ikengalak:

Abu ngesi kodum ngul ebe keraas ikengalak. Eipone ali ajenuniata kesi ngul? Mam ngul etirianete kede Akirot.

Kwana, arai ketema etunganan ebe, "Ebala Ebaibuli lo kotoma Iburanian 13:8 ebe, "'Yesu Kristo ngopengol bian, lolo, ka ikar kere,'" kobala etunganan ebe, "Aa, atuboros apaarasia nuka nukaumokin," akepolou erai etunganan ngol ekengalan.

Arai abala Ebaibuli ebe, "Itonokinos, ido ibatisaunos kOkiror loka Yesu Kristo kanuka aisionio naka adikanaretakus," ido nginiboisit kotoma Obaibuli inera ibore ngipengin, nginitunganan yenebatisatere kotoma-kotoma aparasia nuka Ebaibuli aponi kibatisai kOkiror loka Yesu Kristo, kosodi Ngesi aicorakin kes aibatisao, acokicokio, araibo icebore kwape kangin, erai etunganan ngol ekengalan, idum enabi loka engalat.

Aomit mam eong ajai aimusung aomisio, konye eong...Onac, mam ijo-ijo ipedori aiyamiyam Nu, erai apak, kolema agilabs awai kosodi aiting Akiro Nukajokak. Ianyu? Erai ngin Abeit.

60 1117 Kwana, kitodikinai eong idiobore yenitegelikina. Itodikinai eong neaponi ibatisaere idiotunganan koipone ece kilema Kokiror loka Yesu, itei ijo, kokinga naka ekanisa loka Atulik. Aso arai ibatisatai ijo

koipone kangol, mam ijo ijai toma okanisa loka Ikristayon, ijai ijo okanisa loka Atulik naarai ibatisatai ijo. *Sunday Visitor* kec obe, atikasimu abala, aingiset, "Edio Protestant eponio tope aitajar?" Ebala, "Luipu kakesi, naarai ejaatar kesi kaibatis wok ka iboro luipu kwape kangul." Ebala, "Elimitosi kesi nuikamunitos Ebaibuli, ido abala Ebaibuli ebe, 'Ibatisata Kokiror loka Yesu Kristo,' ido ilemunit oni ngin kanen kasodete aibwaikin ngin 'Papa Okoku, ka Emoyo Lokalaunan' ido kes kere acamutu ngin." Abeit cut. Ianyu? Mere-mere...mam erai e-mam erai aibatisao naka Ekristayone, erai aibatisao naka Atulik.

Ijo ibu opup eong akuare adiopet, "Ijo ibatisatere kotoma aibatisao naka Ekristayone?" Aibatisao naka Ekristayone, Kristo, "Yesu Kristo," mere kotoma omaeta ice.

61 Kwana, ekokoro lo 3. Eebo, lo 2 ka lo 3. Kwana ekokoro lo 3:

Ingirikinit ka atitingikin kanuka ekakiror, kwabo mam ibu kopas.

"Kanuka Ekakiror." Ijo ibu komisiik ebe kejaatar kesi katitingikin? Etaaritos kesi kanuka inyo? Ekekiror. Asesen Ekiror ngol esalakinit toma okanisa ngol? Kwana kosesen ngun, nakidolokina oni angeset naka esabiiti, eipone loeolioro ngol kosodi alosit toma okiror ece. Ianyu? "*Ajaatar kede atiting, aitaaritoi, ka acie da, ido kanuka Ekakiror, kwabo mam ibu kopas.*" Ngesi...Etaaritos kesi kanuka Ekekiror.

Aidar Ekiror loka Yesu Kristo adepar edio ekanisa, adepar idiobore kere, kogeu ber ngin nasodit alomar toma. "Idiobore kere..." Abala Ebaibuli ebe, "Nuiswamaete yesi kere kotoma akirot ka aswamisiot, iswamata ngun Kokiror loka Yesu Kristo." Ngin erai nakabeit? "Nuiswamaete kere kotoma akirot arai kotoma aswamisiot." Arai idukokin ijo, aitudukor itunganan; arai mam ijo ipedori, arai emunauna kesi kere kotoma odukunek, mam isimorikini kes cut. Ianyu? Arai mam ijo ipedori alimun kede ailajaara ebe, "Alimori eong ijo aberu kede ekiliokit Kokiror loka Yesu Kristo," kojalak ngul kolototo. Eebo. Arai ikoto ijo aibatis kes, kibatis kes Kokiror loka Yesu.

62 Arai ejai ijo icebore yenimam ijo ipedori aswam kOkiror loka Yesu, kojalak! Abala icetunganan ebe, "Omat adis." Mam ijo ipedori aswam ngun kOkiror loka Yesu, kojalak ngin! Ebala icetunganan ebe, "Obolia epiki mot." Mam ijo ipedori aswam ngun kOkiror loka Yesu, aso kojalak ngun! Iyala ice, yenabanganut kotoma opucitokus, mam ijo ipedori alimun ngun kOkiror loka Yesu, kwangin kojalak ngun! Ianyu? Mam ijo ipedori ainap ipalei lutuber kOkiror loka Yesu, aso kojalak ngin! Ti eong alot iingaren, konye oni...ijeni ijo nuenera eong nukec. Eebo. Mam ijo ipedori aswam ngun. Numam ijo ipedori aswam kOkiroriKe, kojalak ngin! Naarai, abala Ngesi ebe, "Nuiswamai ijo kere kotoma akirot ka aswamisiot, kismamata kere kOkiror loka Yesu Kristo." Ejok, kwana.

63 Kwana ilosi oni...Erai ngin e...Abu ngesi kisiyalamik kes kanuka ngun. Kwana alosi eong einer nuikamunitos angurian kwana kotoma osula lo 4...arai kokokoro lo 4, atemas.

Konye ejai eong akirot na kajo ebe ibu kojala akanimin nasodit.

Oo, "Ejai eong akirot na kajo. Ititingik ijo, ibwo ijo kanuka ekakiror." Mam t ingin keraun ibore yenejok kanuka ekanisa kalo lolo? Eebo, ipa! "Ingirik ijo abeit ngin, ido ijaun ijo kede atiting naepol, kosodi angirikin adaun apak naepol, konye ibore yenikamunit ngin nges...Ibwo ijo kanuka Ekakiror. Esiyalamikit eong ngun kere. Abuni Eong aiturit ijo kanuka ngun. Ejokuka kere. Ido aanyu Eong ebe kitem ijo ngul luenyaras bonik ebe ikiyakia ka ice da, kosodi adumun ebe keraas ikengalak, mam eriakasi kede Akirot. Esiyalamikit Eong-Eong ngun kere. Konye kijaar eong akirot na kajo, ido ngin nges ebe ijai ijo akanimin nasodit. Kijal ijo amin ngin nasek ijaatar ijo kanuka airiamununeta kangun nuajokak, numojong, nuka Emoyo Lokalaunan, kosodi ijo ageun asubit bala aigetar kau toma orionget ngol, abunore toma kede 'Papakosi...' Abanganut! Ianyu?

64 Nu kere kane atukot, ido ejai icetunganan abunore konapite elou loti (ijeni ijo awoere kotoma okwaya, ijeni ijo), ido eculitos kesi ikecetim kere ka nginibore, iriagin luipu kotoma oreetinikec, ido ewoete kesi bala mam eong ajeni da.

Kane pac, arai mam arai airiamunike Oral Roberts, abeit cut ti eong anyararit atukos kinga. Ajai eong-ajai eong atukonokin naka Business Men ido ebwaikinitai...imameotor isio...akuar ngin abeit eong einer. Mam kes apedorete aidar ngin kooteri kangina kosodete kesi ayangar eong neejai-neejai aduketaitike Oral Roberts. Ido neeboio eong kotoma aiboisitike Oral Robert naka aisia, ajai atukot naka idwe luka Pentekosit (oo, itelepei ludidik ka ipesur, ikar itomon ka lukanykape, itomon ka lukanykaarei lukapolou, itomon ka lukanykauni) kere kobwoete kokinga kangina; nepetai akaisauni arai akaisaongon kolosete awoere icebore bala...subit do kaneka bala icebore yenasubit bala aitodiar naka icetunganan bala nuinerekena Becky nuke, Tchaikovsky arai ice kotoma kakesi iboro kwape kangul; mam eong ajeni, ice kotoma kakesi ikososio kwape kalukec, ekosio loka adoketait. Ido elu ajaas ne, abeit iinacan alosit aijaun icakan kotoma airiamun, kosodi nginidiopet kalu alosit ido kitingitos iikopon, aituputooro bala emudukaka ka iponesio kere luka eyala kinyikokinitos alosit iingaren iiraritor yesi, kiding naka itelepai kangul ka apesur, ido kineras bala nginibore. Ido kojaatar apesur ngun keriaji loelosikina mamakec, ti eculoto aduketaitike Oral Roberts, nepetai. Ido ajaas kesi nen koipone kangol, ido kanyaras bonik ebe

"luka Pentekosit." Apotu kesi kitooliosi akecemin nasodit!

65 Abeit cut kicamanara eong kede David duPlessis, "Emamaeotor Edeke kitatai." Mam, cut! Kijaar oni kede itatai luka Methodist. Kijaar oni kede itatai luka Baptist. Kijaar oni kitatai luka Pentekosit. Konye emameotor Edeke kidio! Iraas yesi odwe ka adwe. Mam ijo ipedori alomun toma kama ejai totokon arai papakon naarai araas kesi itunga luajokukak, ejai ijo da aitac etiai ngopengol loapotu kesi kotacata. Ejai ijo aurunio irwan nakiareit kwape apotu kesi. Emameotor Edeke itatai cut. Irai ijo okoku arai akoku; arai, mam ijo irai itatait, ibore idiopet ngin yenejena.

66 Abu eong alot toma airiamun, ido kesi kangina...nejai Atukot nakajokan naka okanisa loka Pentekosit. Etelepat, akoto ti ijo koanyunite angor ngun isiararos neanyuniata eong alomuni toma; kede ipalei ngul luuriesik, itim luetubub, ka isikatin ngul luuriesik, nepetai bala Weiner, ijeni ijo, ilibororas kotoma ogoen kangul koipone kangol, angor nuka Pentekosit, onapitos neisingobeli.

Ilosi ijo abongonokin kanuka ngun, kotomas apaaran naka etube. Ilosete ijo akiro aikamun kanuka adoteu, abala Yesu ebe, "Yeneseseni aberu kaingobel kotauke esidiota ngin kotauke." Ido arai itodia ijo akonikaun neejai ekiliokit koipone kangol, ingai bodo ikamunitos akiro? Ijo araibo ekiliokit? Korai naidolit! Kongeratakan Inaka aronis! Ianyu? Aso ikote nen.

67 Inyoboo tikiswama ijo? Apotu kocakasi akecemin *nasodit*. Oo, mam ijo ipedori adumun bobo kes kosoda kede atenus kanu aibap akecekanin ka aima Edeke. Oo, mam! Awoete kesi icebore yenasubit bala yenadoketait naka okuju kotorokitos i goen lubwaluk. Ianyu? Apotu kesi kocakasi *amin nasodit*. Ngin nges arai ationis kede ekanisa losodit. Ianyu?

Ejai kes aswam kwape bala akwapin. Enapete kesi kwape akwapin, eputos kede akwapin. Kosodete ajaut kede akecebolian lokosinema, ijeni ijo, mam kes epedorete apalar asesin ngol. *We Love Susie* arai icebore, ijeni ijo, ejai kes asesin ngin. Esaletete kesi ore aiboisit naka alosit atukonokin naka ailip kanu asesin ngol. Arai mam kes iswamaete ngun eridakinete kesi ekececonikec, aitwar kes kotoma apak kiton abolia ngin abunore kosodete kesi alosit ore asesin ngin. Amin naka akwapin adepar amin naka Edeke!

Oo, araun noi lokaput, mam kes epedorete atemar, "Amen!" bobo. Ikatunga, ti ngin kelema ice koboro luisiritai ngul. Ianyu? Emameotor bobo kesi kaNgin. Pentekosit nen. Mam nen erai Baptist. Mam ngul ejaunatar kede ngin kageunet ber da, luka-luka Presbyterian. Enera eong nuikamunitos Pentekosit. Edolit ngin. Ajeni eong ebe ejai aiyatakin aidikor, onac, konye ikoto oni aurio kanejai ibore yen; ebeit ayangaun atwanare eroko ijo edumuna aurio. Ianyu? Ianyu? Erai Abeit. Konye ikoni nen, ijalata akusimin nasodit. Eong...

68 Arai ajaatar Edeke akirot ngin asuruokinitor ekanisa *lo*, ajaatar do Ngesi kakirot ngin asuruokinitor *ngol* da! "Naarai ipotu yesi koyalata akusimin nasodit, asuruokinit Eong da yes kanuka akirot kangin. Kijaar Eong kicebore yenasuruokinitor Eong yes, ngin nges Akangurian. Ijaatar yesi sek kapak naejok, konye ipotu yesi kocamakisi akwap ageun acedun toma, kosodete yesi ageun aswam mot kwape erionget. Iroko yesi itingotos Ekakiror, ido iroko yesi iswamaete iboro luejokuka, ido ijaatar yesi katiting naepol ka acie da, ido itaaritos yesi, iras yesi kwape isirgiria, itaaritos yesi ido iswamaete da."

Ikatunga! ikatunga! ikatunga! Itei ijo, ijalata yesi asianut ka aiyuun ka apedor, aisiecin ngin kede aitaaritoi ka aswamasio. "Ijeni ijo, ber eong alimok ijo Onac Branham, engaranakini eong-eong nginipuserut naapedori eong kere." Eebo erai ngin ibore yenejok, eturit eong ijo kanuka ngun. Konye aibo adol amin ngin nasodit nasek kijaatar yesi? Kwape abu Daudi komonyia, "Wu Ejakait, inyakakinai eong aiyalama naka akaitajario." Aibo ejaas airiamununeta ngun nukailip akuar kere, ka akiyo kokitinyo kon? Ikatunga, ileleba Ebaibuli apua ido ejai elagoro tomake. Ipuda akiro numojong nuka amin, ka iyemutu ka iboro; ka iboro lumam ibusakinit ainakin ijo isideleleunio otunga kosodete aibwaikin kinga kanuka abagubagu naka agasia, kasodete oni itunga luka Pentekosit airarun ngul kasodete ailelebun tomakec bala atukos naka icuc kotoma abagubagu naka agasia. Edolit ngin. Oo, aitim! Nuiipuda oni nges: abongor nejai aminawok nasodit! Abongor Pentekosit! Oo, ejok eong anyoun awai kangina. Eebo. Konye, imisiik ijo, "Aijal amin ngin nasodit."

69 Ekokoro lo 4, ekokoro lo 5 kwana. Aikwenyaret, ekokoro lo 5, aikwenyaret: "Kiitu kosodi aitoronokin! Ianyu?"

Aso kiitu nekibirunor,...(Aibo kibunio jo? Anyoun ko pentekosit ibu ijo kibirun kiton neijai ijo kwana, abongor kau)...*ido itoronokin, kiswama da aswamasio nusodit; (kobongo pentekosit bobo)...konye arai mam iswamai kwangin, abuni mamakon katipet, alemari epirikon lokatala kaibois i-k-e...*(Iseseni ijo loerai ngol, mam?)...*kaiboisike dimikito kitoronikin jo.*

Kacekiro, arai ijaatar jo ka ekecon loilelebas kEdeke, loilelebitai kEmoyo Lokalaunan, kosodi ijo aitam aridakit nges kokwap naka ebokoritikon, kobala ebe, "Eebo, arai elimu ngesi imodiobore yenikamunit ekwaya loenapit eyunifom, arai kelimu ngesi idiobore yenikamunit isio aisut iriagin, irengeari isio nges."

Mam ipodo, ebuni Edeke aswam ngun eroko ijo kedumuna arereng naka aswam ngun. Ebuni Ngesi alosit ngina alimonokin amor korotin eroko nges ecamanara kede eipone iboro kwa kangul. Arai ijaatar ijo ka ekecokon loelimokini ijo Abeit alopet, ibusakinit ijo ainakin Edeke aibuses kosodi asalakin toma Omoyo, kosodi aima Edeke, kojoni ebe ebuni ijo aolior arai mam ijo iswamai ngun. Ianyu?

70 Konye ejarete itunga lolo bala elosete kesi...yen bon nges ibore yenikejai, "aijar kane kotoma akwap, kodaun." Mam ijo ijenunit ebe ijaatar ijo ketau loelosi ajalakin ne kosodi alosit nenice. Ido ipucakini ijo akoniboisit naingetakina ijo kanepokane, eipone loijaria ijo ka eipone lokiswama ijo, idingeta, ka aninik, ka nginibore kere, kosodi akerit okanisa. Ikatunga, aitim! Otukui! Irumata ijo ileic.

Iyangauni ijo ileic neejai-neejai erot loka Kristo. Ngin mam erai nakabeit? Oni mam tope iswamai ngun? Agwelanarak nuitemerete mam ejaasi aimusung Ekanisa; mam erai ngul. Mam erai amalayan kes ejaas aimusung Ekanisa. Erai itunga luelimoritos ebe eraasi kesi Ikristayon ngul kes ejaas aimusung Ekanisa. Ijeni oni nueraas amunak ajon ido ijeni oni nueraas amalayan. Neenapiatar ainacanawok bala amalayan, itegelikina ngin, *ngun* kes imusungete Ekanisa. Neemasia etunganan bala agwelanaran ajon, eebo, do, ngin nges imusungi Ekanisa. Elimoritos kesi araut Ikristayon ido iswamaete kesi ngun. Emootos itunga ijo kanuka ekiror kangol... "Konyou ngin yenelimorit Ekiror loka Yesu Kristo kotoma adiakar." Ianyu?

Oo, ikadad oni, iinacan. Eong, ijo, oni kere, oni-oni kere ikadad kotoma kanu ekoto Kristo oni araut. Ido kane cut kotoma apak kana erai apak naka acakar awai nginidiakar kere naepatanikinit aigogolonor oni, kosodi akerit kede atiting epeget loibwaikinitai ngarenwok. Ikalimonokinak. Edolit ngin inacan. Edolit ngin cut.

71 "Kiitu kosodi aitoronikin, arai mam alemari Eong Aica naka aacerit kotoma aiboisitike." Anibo akeiboisit? Toma okanisa. "Konye arai mam ijo itoronikin kosodi abongor nekibu ijo kojai kageunet, abuni Eong alemar ekusikecokon kamakus cut kosodi alemar ngesi kinga kotoma aiboisitike; ebwaikini eong nges aiboisit ece neebunio ake...neebunio Eong aitodiar Akaica naebuni aica." Umm! Ngin mam arai naepol?

Erai na apak naka ikanisan aitoronikin. Erai apak naka Pentekosit alemar alimonokinak lu lukacoa luesiomitos kolutaarin, kosodete ayangaun alimonokinan loka epitene lomojong toma ngina loebuni alimokin yes Abeit; mere aibamibam kosodi aitwasam ekanisa kanuka anyamia, iropito luapolok, ka iboro kwape kangul, ka acoa, ka aboliasio adis, inyamat lukatibong luka asupu, ka nginibore kere. Erai apak nabongun neeja Akiro Nukajokak. Mam eong apodo eipone loidisiar ijo, "Nejaas iarei arai iuni, Eong-abuni Eong akidingosikec."

"Kitoronikin, arai mam abuni Eong kasodi alemar epir lokatala; aijukar nges awai, nenice acaikin akeica."

72 Kwana ikokoron 6. Kwana lo nges ediopet lokilosio oni ajaunor kede ationis. Kwana, arai mam ijo itoronikin, ebuni Ngesi kosodi alemar ekecokon awai.

Konye ijaatar ijo na,...

Kwana, kiitu. Oo, mam itwaniari na kwana. Na nges elosi angaar nuce kwa kere nepepe, cut kiton kwap neejai na ilosi oni...atur naijai oni toma kwana. Nginitunganan kere epupi ejok, nasodit? [Kotemari atukos ebe, "Amen!"-Ekewa.] Ijo irurukit? [Kotemari atukos ebe, "Mam!"] Ejok ngin, kwana. Ejok, atitingikin ber mot. [Kotemari onac kotoma atukos, "Kosalakisi akuar kere."] Kwana...Eyalama.

Konye ejai jo,...(Ajaatar kesi kicebore kapakio ngun, amameotor tope? Kwana, inyobo ajaatar kesi?)
...ilait ijo aswamasio nuka Inikolain, nualait eong da..

"Ingara ijo aswamasio ngun nuka Inikolain."Eboie eong kotoma aisisia lolo kokuju kangina, abu eong kewadik icebore ne kotoma kangun, akoto eong ijo apupokin ejok kwana, erai apapulai aarei kane. Ekokoro lo 6, aiturio ka acamanar; erai ebe, apotu Edeke kede Ekanisa kocamanaros kotoma obore idiopet, ebe kes, "angaras kesi aswamasio nuka Inikolain"; ngol nges Emusabibu lokabeit, Ekanisa lokabeit loajai toma Okanisa loka Epeso.

73 Kwana kiitu, ngolikanisa ejaas kede iketunga luakuan ido ngolikanisa ejaas kede lukomoyo. Ngul kes imuatok lueurunio kotoma kanginisikwarunio ido ejarete kotoma kangolikanisa. Apotu kogeutu cut kotoma atur *kana* ido engetakinete kotoma atur *kana*. Ido awasia, apotu lukakuan kikamasi kotoma atur naka Suatira, kosodi Luther airiun ngin kau bobo. Ido kwape kwana ejai abongor toma bobo. Ijo ipedori asesan ediini ngol loka akuan? Emamei atiaketait kiding gol kede Eitulikane. Erai ibore idiopet. Kangolirionget kere ebongori cut tomake. Mam Edeke iswamaikinitor Ekekanisa erionget. ngupengun cut bec kes atamitos kesi aswam kane. Ido kosesen ber ijo kosodi aanyun kwana arai mam ngin edolit, aitodikin ijo eipone loikenitore erionget. Arai-arai naetegelikina kaneejai Ekanisa loitetet, Aitutuket Nakitetet. Ianyu?

Konye...ejai ijo...Konye ejai jo na ebe ilait aswamasio nuka Inikolain, nualait eong da.

74 Emusabibu lokabeit angara aswamasio nuka akuan nuka Inikolain, kwape kwangin Edeke da. Nuaraas

aswamasio nuka ekanisa loka Epeso, kotoma okanisa loka Epeso, apotu koraunos aisisianakin kotoma okanisa loka Perugamo. Kotoma Epeso, ekanisa losodit, arai aswamasioit, kotoma okanisa loatupakini abu koraun aisisianakin. Ijo ipupi Ngin? Ijo ipedorit amisiikin Ngin kwana? Arai ngin natwanit kotoma okanisa loka Epeso, ido kosesen, kane kotoma Perugamo abu koraun aisisianakin. Abu kogeu kane kotoma adoketai naedit naka imukeru. Kwana, kotoma adakika ilosi oni aanyun nuaraas ngun. Ne nges ejaas *ipeeneke Paul*, "aswamasio nuka Inikolain."

75 Kwana inyobo...Kabilibilata ber oni akirot ngin kasodete aanyun nuijaar oni eroko ber oni keloto iingaren. Akirot ebe *Inikolain* erai ibore yenitegelikina mamaka. Abu eong kalem ngoli Eitabo kere loka Iyonanin loiwadikatai apolou naka akiro loabu eong-eong apedo adumun. Inikolain ebunit kanejai akirot ebe *Niko*, N-i-k-o. Idareu, acamunit eong ebe abu eong ewadikak kwap ne. N-i-k-o, *Niko*, erai akepolou "aipikor arai aibiror." *Iniko-lain*, "aibiror arai aipikor luemamei adoketai kokanisa." Nuatamitos kesi aswam kane nges aitam alemun ekanisa kane ajaatar Edeke kede icokok, ka Emoyo loka Edeke iswamai kotoma ainakineta kotoma Okanisa loka Edeke lokajaran, kosodete kesi ajaun kede aisisianakin ageun ebe alosete kesi ajaun kede isasedotin idis, ka ikaanyanarak, ka ipaapan, ka icie da. Luabala Edeke ebe, angara Ngesi! Eroko Ngesi engara ngin lolo da. *Inikolain*, (*Nicko*, "aipikor") arai, "aibiror luemamei adoketai kokanisa." *Lain* kes "ekanisa." Imwasi bo ai ejenete ebe lain kes luemamei adoketai kokanisa? Eebo, "Aibiror arai aipikor, arai aikamar aiboisit naka luemamei adoketai."

76 Kakiro ace, alemar alaunit kere, apedor kere kama ejai ekanisa, ido aibwaikin ngin kere nejaas isasedotin; "Kojar atukos eipone loekotor aijar, konye esasedori nges erai lokalaunan." Alemar Emoyo Lokalaunan awai kama ejaas itunga kede aanyuneta ka nukaumokin nuatupakinitos kes, kosodete alemar ngun awai kosodete ainakin kes esasedotene lokalaunan. Alemar awai Emoyo Lokalaunan ido aisiec Ngol kede kanu esasedotene. Ijo ianyu nuarai ngin? Arai e...Abu kongetak araun...Kotoma okanisa *kalo* kane, arai aswamasioit; ido kotoma aiboisit kana abu koraun aisisianakin; kososdi Suatira, abu kikama. Ido nealomunia Luther, mam apedori asalakin koipone kangol, abu kobongo kau cut kosodi aikamar bobo: ikaanyanarak, ikaanyanarak luapolok, ikaanyanarak lueyaitos akwapin. Ingai kotoma akwap ingarenikit Ekanisa loka Edeke adepar Nges elopet? Amen! Otukui! Kwana apupi eong araut lokomoyo. Aponi ijukunai Emoyo Lokalaunan ayait Ekanisa; mam erai ekalimonokinan bon, esipan kere!...ebe ekalimonokinan bon nges elaunit, erai, Ekanisa kere ejaas kede Emoyo Lokalaunan.

Ido aiboisit naka Ngol, aiboisit naka ajaut kede Emoyo kanu aswam ngin, alemutu kesi imugaati idio ka ebino, kosodete anyara ngin "*Eukaristia* lokalaunan loerai akepolou 'Emoyo Lokalaunan.'" Eipone ali kotoma akwap epedoria emugati ka atutubet naka ebino araun emoyo? Kwana, arai-arai erai ngol eipone, ejai do ijo aisiom Aswamasio 2 kwanata: "Edolu apaaran naka Pentekosit, koputu isasedotin luka Iromayon korot, kosodi ngesi atemar 'Imiel akoningajep' kosodi ngesi abwaikin emugaati toma kosodi ngesi amatar ebino, ebalas, 'Kwana ajaatar ijo Emoyo Lokalaunan.'" Kwana, kwana kiwomit oni ebe etiono ngin noi. Etiono ba.

77 Kwana alototo ber oni kwap; aponi eong kenyonoyoikin kokanisa loka Baptist, ayangas ber oni luka Baptist. A-ha. Umm? Luka Methodist, inyobo iswamai oni? "Arai ilimori ijo ebe 'Erai Yesu Kristo Okoku loka Edeke,' kitajaritai jo." Iyuunit ajokit da ebe erai Ngesi Okoku loka Edeke, komarani; aticepak iyuunit ngesi ngin adepar imeeban luka okanisa luipu. Iyuunit ajokit ibore ngipengin ido komarani, naarai ejeni ngesi edaunit ngesi amudiar.

Kwana kayangasi ber oni eipone loka Methodist, ebalas kesi-kesi ebe "Mam Yokana abu kibatis," ebe, "ecokicoki ngesi." Ebalas, "Ajaas aipanya nuepu kotoma akwap, ido-ido apotu akipi ikaunos kotoma aiboisio. Ido ajaatar ngesi kibakuli kosodi ngesi abokun ipany." Ido elimonokinete kesi ngun. "Ido ebe ajaatar ngesi akipi adis kotoma aipany, arai abakuli na, nuaokunio kotoma aipany kana, kosodi acokicokia itunga." Erai amamus aijen! Oo, onac!

78 Eebo, kwana kane ibuni oni alemun ngin, "Kedolu apaaran naka Pentekosit, ajaas kesi kere toma aiboisit adiopet, kede etau ediopet. Kosodi ekecokon abunore kosodi alimonokin, kosodi atemar ebe, 'Koinkinai eong akan nakoteten naka eidicane, ido ibuni aibwaikin ekonikiror oitabo.'" Mam ngin elomunit, elomunit cut? Imina aticepak ijo kodum ngin...Mam ijo ipedori adumun ngin kotoma aiwadikaeta nuka akiro nuka ekaru, ajenete kesi nuedeparitos ngun. Aiwadikaeta nuka *Ladies Birthday Almanac* edolit adepar nuepote ngun araut.

Eebo, inyobo ayangauni ngun, kapakio kangun? Inikolain ayangaun toma atukos naka itunga aijer Nuiwadikatai, ka aiswamaun da erionget lomam ecamakini Edeke aswam kotomake. Kotwanikini ngipengina! Kosodi Ngesi atemar kane ebe, "Itwanit ijo! Ejai ijo 'ekiror' ebe ijari, konye itwanit ijo! luipu kotoma kakesi, atwakitos, ido komam ejenete.

79 Ajai eong kede onaceka iloki lukecor, kirai sio idwe ludidik, kalailo kane. Kasodi eong aikamun ikolodong yenededeng, kasodi eong atubor akekou awai; alemar nges awai naka eusi, mam eong akoto abolianar kede ibore ngin; kasodi acakar ngesi otut ngina. Kosodi onaceka yenididi abunore, kosodi atemar ebe, "Inyobo ikamunit ijo apak edit kau?"

Abu eong atema ebe, "Ikolodong."

Ebala ngesi ebe, "Inyobo ibu jo kiswamak nges?"

Abu eong atema ebe, "Engin, eperi, *kanen*, ido eperi akekou kokuju *kanen*."

Kosodi ngesi alosit kuju nen. Kosodi atemar ebe, "Ngesi etwanit?"

Abu eong atema ebe, "Cut! Abu eong atiaka akekou kama ejai akekuan, ekoto otwanite."

Kwangin do abu ngesi kolek akitoi, kosodi ageun adolokin kanu acakakin akou naka ikolodong kangin ainyakakin ocor, ido nea...araibo aguurut. Ido naeswamaunia ngesi ngun, abu itiang yenemojong ikam ngin. Ijeni ijo, epedorete kesi apetonor adaun esawa ediopet arai iarei. Abu nges kosomar kau, abu ngesi kotema ebe, "Hei! Aomit eong ebe ibala ijo ebe 'atwanit.'"

Abu eong atema ebe, "Etwanit ngesi.""

Abu ngesi kotema ebe, "Ijeni ijo, mam nges ejeni ngin. Mam."

Aso ngol nges eipone ejaatar itunga luipu: etwakitos ido komam ejenete! Inikolain! Oo, ikatunga! Oo, abu ngesi kotema ebe, "Ingara ijo ngin." Ayangar kere kede aileleba, esasedoti loajokan lokalaunan, ekaanyanaran loapolon lokalaunan, ekaanyanaran lokalaunan.

80 Ido ice kotoma yesi luka Pentekosit, "Ekaanyanaran lokapolon, kinyek nges kobu kwap. Ekaanyanaran lokapolon loimoriarit kere, kilimokini ngol ijo arai ipedori ijo aitotolot aijanakin naka aitangal kane arai mam. Ha, ha." Aleluia! Emoyo Lokalaunan nges elimuni ngun arai mam, Akiroto naka Edeke Namam Edaun.

"Eebo, Onac Branham, iyuunit isio ebe isisianakini Ebaibuli ebe, 'kibatisata Kokiror loka Yesu,' konye abu ekaanyanaran lokapolon kotema ebe arai igeu isio ngun kotoma okanisa kosi, irutari ngesi isio kere." Kolot iingaren. Edolit ngin. Ejok eong kerutar kinga kane itia airutario kinga Kangina. Kwangin, arai ilema ijo idiobore kane, ilosi ijo acakario Kangina, koipone kangol, aso do ejok ijo kocakar kane. Arai kicakar ijo kane, ibuni ijo acakun toma Kangina. Aso ibore ngin ngipengin, aso kosalak cut kede Ngin.

Ikoto oni araut luidolit. Oo, ikatunga, erai ibore yenegogong, onac. Ekoto oni adumun ibore yen koipone loejokuna. Mam oni ipedori ajaun kede Ekanisa kiton Edeke adumun apetetait napesikina ngol. Mam cut Nges edukokini Ekekanisa atukos naka abanganut. Ejai Nges abunore kotoma AkirotoKe araimam mam Nges ebuni do cut; toma AkirotoKe cut.

81 Abu icetunganan, pac, kokuju kangina, kotema ebe, "Onac Branham, kobia Chautauqua." Imwasi bo ai ajaas Chautauqua? Inyobo, kongolia ber ijo ne, atutubet nakiuniet naka ekanisa arai adepar kes ajaas Chautauqua. Lu...Kwana, abu etunganan konyou kangina apaaran ngin, ido ipotu yesi kere kopuputu nges, komam eong ajeni nuikamunitos ngin. Epedori Edeke apukor ngin kotoma agola nakokuju kangina nueneras kesi kokwap kangina, ido, ijeni ijo, eswamat ngesi ngun cut. Abunore kuju ne kosodi atemar, ebe, "Kwana kereka Onac Branham, oo, erai ngesi ebulesit loka Ejakait. Nejaar Emoyo mamake, erai ngesi enabi loinyonyoikinitai, cut abeit ejeni ngesi, elimokini Edeke nges nuejaas ka nuelosete ajaun; konye akeisianakin, mam ipupete ngin."

Itolitoluna bo lolo aomisoit ngin bia! Eipone loepedoria etunganan alimun kwangin? Inyobo, mama eong...Ijeni arai mam ijo ipedori atiaku emaroge kama ejai amajaani, ti ijo-ti ijo ijeni adepar ngun. Eipone ali iwomooma ijo ibore kwape kangin? Inyobo? Inyobo, akirot da ber alopet ebe *enabi* erai akepolou ebe "ekapukoron loka Edeka loka Akiroto." Eipone ali ipedoria ijo...Akirot naka Ejakait abuni nejai enabi. Ido mam kereka eong abala ebe arai eong ediopet, kes alimunete. Konye ikoni nen. Ianyu?

82 Eipone lo etunganan...Kanu aitopoloor isisianakin yenika ekanisa kanenice, naarai mam ekecerionget apedori acamanar kede Ngin. Agwelar akonipedori naka aurio kanuka emangor, Esau yesi lukican luekesoswai! Edolit ngin. Agwelar akonipedor naka aurio kanuka emangor kanuka emangor loka ediini, emangor loka erionget loelait Edeke. Kiitu, ibala ijo ebe, "erionget," engara Edeke ngol! Ngin nges ibore yenetiakatiakai iinacan, ka amudiar...ejaas luipu luka Methodist, Baptist, ka Presbyterian, atibong na, luekotos ajaun kede ekeceidicane komeesa loka Edeke. Konye arai kepotu kesi, irengario ido kapak nasodit negeuniata kesi alomun toma. Erai ngin nakabeit cut becebec.

"Ajai toto tomake," ido ejaas itatai kageunet ber da. Oo, ikatunga! Mam eong apodo arai arai toto nakai, abu toto kajar kotoma aica kere najaatar ngesi kotoma apakike, ijari jo kotoma apak ace.

83 Abu sayanis kitogogong kapak adiopet, nepetai ikar akwatauni kau, kanuka aisirim emopiira airimokin ibore yenilungurur, ebala, "Arai keker ediomotoka kosipiidi kalo ededeng amairon akaisauni kotoma osawa ediopet, ti ikwamin ikeutu ngol kuju naka akwap kosodete akiar ngol apak." Ibala ijo ebe iyuunit science ngun lolo? Ekerete kesi amairon 1900 kotoma osawa ediopet. Mam kesi engoliarete kau aanyun nueneritos kesi, engoliarete kesi kau, aanyun nuopedorete kesi aanyun kiteete iingaren.

Konye ekoto duc ekanisa asesen kau, nuabala Wesley, nuabala Moody, nuabala Sanky. "Epedoros iboro kere neejaas ngul luiyuunete," aseseneta iingaren! Ibore bon kotoma Obaibuli yenabu kongolia kau... Ijo ijene eipone etiang loduc itei kau? Aijar nakokwap kakere naejai. Imwasi bo ai ejenete aijar naka okwap naelosi? Aidodok. Aidodok nges aijar nakokwap kakere, ido etunganan nges aijar naikiara kakere. Ido aidodok eseseni kau. Mam eong akoto aijar ngin namojong nakokwap. Akoto eong asesen iingaren, keyuunite, kamuno, alosi kotoma Aica kwape ejaar Ngesi toma Aica, amen, kwape inwakakinitor Ngesi Aica.

84 Adiopepak kalaije koKentucky ajai eong etolosi atukonokin, abu eponon kobu, kosodi atemar ebe, "Oo, mam eong eyuunit aitangal ngin."

Kasodi eong atemar ebe, "Ijane ijo, edolit ngin, irai ijo loka Amerika."

Abu ngesi kotema ebe, "Mam eong-eong eyuunit idiobore arai mam eong aanyunit."

Kasodi eong atemar ebe, "Eebo, ejok."

Abu ngesi, "Kwana, emameete eong akiro kede ijo, konye mam eong-eong eyuunit nuilosio ijo alemun."

Abu eong, "Erai akusirereng naka itunga luka Amerika, mam ebeit ijo."

Abu ngesi kotema ebe, "Mam eong acamuni idiobore kiton neapedoria eong aanyun ngin kaidelal." Umm!

Abu eong katema ebe, "Ijane ijo, kwana eong...ejok ngin-ngin, ekoto ijo kolomunite ko Missouri."

Ebala ebe, "Mam, arai eong loko Kentakcy." Otukui!

"Mam erai naejok kanuka Kentucky," abu eong katema ebe, "Konye keja ngun da," abu eong atema, "arai ijo...eipone loiwomitor ijo, kolot iingaren." Kosodi ngesi katemar ebe-abu nges kotema...abu eong atema, "Koipone ali ilosio ijo ore?"

Abu ngesi kotema ebe, "Alosi eong atubor juwai naka emoru. Eboie eong kepuwai kalaije...Eebo, kauparos." Etunganan lokajokan. Ebala, "Kauparos ore kede eong, keboioto akuar kia, Onac Branham."

Abu eong katema ebe, "Karai ti eong kapedori, onac." Konye abu eong katema ebe ebeit eong alosit kuju lailo kede mamaika." Kosodi ngesi atemar ebe...abu eong katema, "Ikoto ijo kanaparos laingol?"

Ebala, "Mam, ebeit eong alosit atubor adokar korongat kuju nen, kuju lailo, ido kwap aditot, ka kuju," ijane ijo eipone loejaar kokwap kangina.

Kasodi eong atemar ebe, "Eebo," abu eong atema ebe, "eipone ali ilosio ijo adolore ngina?"

"Inyobo," abu eong katema ebe, "mam ber ijo ipedorit asesen karaida akonikan koingarenakon." Abu eong atema ebe, "Eipone ali ilosio ijo adolore kuju ngina?"

Ebala, "Ajaatar eong ketabasa!"

Kasodi eong atemar ebe, "Eebo, koipone ali ipedorit ijo...Inyobo iswamai ijo, ainokokin etabasa kosodi alosit kede ngin?"

Ebala ebe, "Eebo, ipa."

Abu eong katema ebe, "Neinokokina ijo aica ngin, ijo ipedorit aikeet nges kuju koipone kalo? Epuda eong aanyun etogokon."

Ebala ngesi ebe, "Mam ijo ipedorit aanyun."

Abu eong katema ebe, "Biaibodo ilosio ijo adolore ngina?"

"Oo," abu ngesi kotema ebe, "Enokokini eong etabasa ainokokin bon; ido kwape alosio eong, ngin... alosi eong kwape ejaar aica..."

Abu eong katema ebe, "Nges ngin cut. Amen, kolot ijo kotoma Aica."

85 Inyikok alosit! Mam ibwaouni, mam ijo idoli nenidio. Arai itajaritai ijo, kolot toma aitalaunio. Ibala ijo ebe, "Epone bo ali idolio ijo nen?" kinyikok alosit iingaren. "Biai erai aibatisao naka Emoyo Lokalaunan akaulo naka aitalaunio? Epone ali adumuna eong ngin?" kinyikok alosit kotoma Aica. "Biai aanyuneta, nukaukokin, ka nukapedor...?" kinyikok alosit kotoma Aica. Ianyu? Kinyikok iingaren! Kanginipak naikunyakina ijo, esomar Aica mot iingarenakon. Mam Nges eremit okau, ingarenikini Ngesi. Erai Ngesi Aica. Oo, eyalama eong noi kanuka ngun. Ijo mam iyalama? Erai Ngesi Aica, tomaKe emamei amuton.

86 "Ilaite ijo aswamisio nuka Inikolain." Abu koraun aiisianakin. Kwana kaanyutu ber oni nuabala Paul...

Kwana ekanisa bo kangai...Ingaibo etegiari ekanisa lo kwana? Paul, Epeso.

Apukosi ber oni kau toma Aswamasio esula lo 20 ipak edit. Kotoma Aswamasio esula 20, kasodete aanyun nuabu Paul...Ijo iyuunit ebe arai Paul enabi? Abeit cut, arai ngesi. Kaitebeikin, arai ngesi. Kiitu akuar ngin aitapoet kotoma angolol nakusi ekwam, kaceda? Kwana,...ka kere nuikamunitos ngun. Kwana esula loka 20 loka Lokalauanan...loka Anyo-... Aswamasio, ido kageutu kwana nepetai e-ekokoro lo 27, ido kopupok ejok kwana kwape kisiomia. Kwana, Paul lo, enabi, edwari nuapote atakanun

Naarai mam abu kenac alimonokin yes ainerun kere naka Edeke.

Etunganan ngol loesirerengitai! Oo, akoto eong aibwo kangina apaaran kangin asesen aboko naka lokalaunan kangol ibwaikinio akouke. Arai ejai ibore kwape kwangin ebe apedori eong elulu, akepolou abuni do eong elulu. Abuni eong acelanar, kanu aanyun Paul.

Aanyun Paul, ekiyakia ngol lokaumokin,

Kede akenapito italunitai ido ibus;

Ido ajeni eong ejok ebe ebuni ajaun acelanar

Nakidolio oni kere ngina. (Ijo mam ilosi elulu?)

87 Kwana:

...Mam eong abu kenac alimonokin yesi...ainerun kere naka Edeke.

Ngin erai naedolit? Kwana, Ikristayon, kongoliasi lailo; akoto eong aingit yesi icebore. Ingaibo ngol loabu kicorak itunga luebatisatai koipone ece kilema loka Yesu Krsito abunore kosodete aibatisaun bobo? [Kotemari atukos ebe. "Paul."-Ekewa.] Abu ngesi kolimonok ainerun kere. Ngin edolit? Eebo? Ido inyobo abala Paul kotoma...eyuunit eong ebe arai e...mam eong ajeni ejok kwana arai erai Isesalonikan esula lo 1 ka ikokoron 8. "Arai da isio arai emalaika loebuni kotoma Akuj kelimonoki ece eijiri, arai ebu emalaika kotoma Akuj kosodi alimonokin Akiro Nukajokak nuegelara adepar nu" (adepar aicorakin itunga aibatasaun bobo kOkiror loka Yesu Kristo, ka Eijiri loabu Paul kolimonok)... "Arai kebu ediomalaika kotoma Akuj" (mere e...kinyek ber ijo ekaanyanaran, araibo ekaanyanaran lokapolon, arai ekaanyanaran loeyait kere, arai ekecokon, arai-arai icebore)... "Arai ebu emalaika kwap kotoma Akuj kosodi alimonokin Akiro Nukajokak nuegelara kilema Nu, kikenoi nges." edolit ngin. Ngin ecai? Nuabala ngesi, erai nen Igalatian 1:8, abu eong kaomoomoi nuikamuntos ngin. Eebo, Igalatian 1:8, arai ikoto ijo aiwadik ngin kwap, koany nuabala Paul.

88 Kwana, kane ebalu ngesi ebe...Kwana lo 27, acamunit eong erai ekokoro lo 27:

Naarai mam eong abu kenac alimonokin yesi ainerun kere naka Edeke.

Kwana kopupok nuuta...Erai na adwaranut:

Kocoito yesi, ka esipan da kere...loadakak Emoyo Lokalunan yesi...araut ikaanyanarak, tetere icokiete ekanisa loka Edeke, lokikurauni kAkeokot obe.

Ingaibo abu kogwel? Araas bo ngun Aokot kangai? Abala Ebaibuli ebe araas Aokot nuka Edeke. Edeke, kede Akeokot Elopel. Ngin ecai?

...tetere icokiete ekanisa loka Edeke, lokikurauni kakeokot obe.

Ebala Ebaibuli ebe kitajaritai oni kanuka Aokot nuka Edeke. Ijo ijeni lem ngun? Eebo, Itajarete. Ejok:

...lokikurauni kakeot obe.

Naarai ajeni eong ebe kanyou eong epote ipeen luededeng mamakus, mam itimete esipan;

Bobo da enyounete kotomakus... (Kosesen, apedori etunganan ngol angoliar toma kangin kosodi aanyun ibore ngin ebunit.) Kotomakus ikiliok luineras nuitapaarete airiar ikesisiak atupar kes.

89 [Aiboisit naemamei ibore kateepu-Ekewa.] Ikar ekaulo kwape abu ngesi...Araiboot atukot naka itunga luekotosi aismamaun erionget ka alemar da a-alaunit ka Emoyo Lokalaunan kokanisa, kosodete aibwaikin ngun nejaas ikaanyanarak ka luipaapa ka isasedotin, kanu...eraunete kesi lukalaunak ido esipan kere aijar ediopone kere loekototor kesi. Ido epote kesi isasedotin ailipanakin ngul alemun kogeena, ka nginibore kere kwape kangin. Ido erai Enikolaitene! Ido abala Edeke ebe, "Alait eong ngun!" Kwana kopupok.

"Eong ber aanyu, ido ibala ijo ebe, 'Abala Edeke ebe elait Ngesi ngun'?"

Kwana kaanyutu ber oni arai alait Ngesi:

Konye ejai ijo na ebe ilait aswamasio nuka Inikolain, nualait Eong da.

Elait Edeke erionget. Ngin erai nakabeit? Kwana kopupok cut ejok nualosete kesi aswam, iseseni nuapotu kesi kiswamata. Kwana kosesen anatar aturio kere nuka ekanisa arai mam kesi iswamaete ngun. Elait Ngesi erionget!

Yenejai akit, kopup nuelimonokini Emoyo ikanisan;...

90 Kwana, apotu *ipeeneke* kaPaul koraut "Inikolain." Atamitos kesi aiswamaun esasedotene, loamamei kaisisianakin naka Aitutuket Nakitetet. Amen! Akirot ebe *Niko*, akirot naka Ayonanin ebe *Niko* akepolou "aikamar, aipikor." Aipikor inyo? Luemamei adoketait kokanisa, Emoyo Lokalaunan. Alemar kotoma okanisa ajarun naka Ejakait Yesu Kristo kede aanyuneta ka nukaumokin akidingos naka ikeyuunak, kosodete aibwaikin itunga lusekununo araut ipaapa, araibo lokakuan...ekadinol, araiboot ekaanyaanaar aitam alemar Emoyo Lokalaunan kama ejaas luemamei adoketait kosodete aibwaikin nges nejaas adokena nuenyaritai ebe adokena nukalaunak nuka itunga, aibwaikin kes kuju naka kaluemamei adoketait; mere anyara kes ebe *ikecokok* naerai akepolou "ikedarak," konye ebe *papa*, nuabala Yesu ebe, "Mam inyarit ediotunganan 'papa' kotoma akwap kana." Koanyu ber ijo ibore ngin yenaronon? Ido inyobo apotu oni kiswamata?

91 Oo, karai ti oni apedorete apalar. Karai kamameotor oni kakualesia nu ituputupasi koipone kalo, abuni eong aitwasam akuar naka amoi kotoma osula lo 12 loka Apukokinio kasodi aitodikin yes aberu ngin namojong namalayat iboie kokuju kanen, adote. Ido ngin...apolou naraar ngesi, ido naarai abu ngin kiswama adoteu...kama ejai Edeke, kosodi anyaraikin ebe apuserut, ido bobo da arai ngesi toto naka nudotia. Ngin edolit? Kwana, ijeni oni ebe arai ngin Rome, naarai eboie ngesi kokuju naka irongan ikanykaarei, ka nginibore kere cut becebec, etunganan kotomake ido erai enaaba loka etiang, ka acie da, nuarai ngesi. Konye ibore yenaiturur kanuka ngin kerai ngesi toto naka nudotia. Na nges ageuneteke cut kane, ageuni ko Rome kwape atukos naka Ikristayon, luebakai ebe-Ikristayon.

92 Kopupok! Kengarak eong Edeke aisideleleun ngin cut! Atukos naka Ikristayon kotoma okanisa kwape kalo. Apotu kesi korautu luka akuan ka luijalijalas, kosodete anyoun awai, kosodete asipokin bonik erionget. Kosodete aimorikikin ngol, kotoma Aturio nuka Amuton, kede apugan. Kosodete ekanisa ka apugan araun idiope inyo? Ekanisa loka Ikristayon, "Ekanisa lokalaunan loka Atulik" Anyaritai, (Akirot ebe *Atulik* erai, akirot akepolou, "Loka akwap kere"), "ekanisa lokapolon loka akwap kere." Kosodete anyara lueneras kede angejepa, ka acelanar, ka aitangal lukadekak, ka acie da, "luepaaritos." Kosodete kawasia ataraun ngin ibore yenebuikinitai kiton idiotunganan yenadumuno emai koipone kangol, acakakinio abua naka ingatunyo, arai mam kes ijaunete Eitulikane. Abu ngin kolot adaun ikar akwat kere luka aiticianio kokau kangina. Konye mam ekanisa abu kotwana. Mam ijo ipedori aiyar Ngol. Abala Edeke ebe ebuni Ngol aijar kiton awasia kosodi do ebuni Ngesi ainakin Ngol aboko naka Aijar. Abu kobu kwape aitorun toma aturio ngun nuka areo.

93 Kobuni do Martin Luther ainyikokin atur kosodi airiun ekanisa kinga kede aitojokio. Inyobo abu kiswamaun ketwana Luther? Apotu kesi itarautu ngol erionget, kitarautu ngol ekanisa loka Luther; apotu kesi kolemutu aisisianakin. Neapotu kesi kitarautunatar ngol erionget, inyobo apotu kesi kiswamata? Apotu kijaikis ngin aurikinio bobo toma Oromayone. Abeit ngin.

Kosodi Emoyo Lokalaunan alomar kinga naka ngul kosodi Wesley angoliar Ngol. Kosodi Wesley, ka Whitfield, ka George Whitfield, ka lukipu kotoma kaluce kangul, ka-ka Asbury, ido luipu kakesi keraas ikesikwarunak lukaumokin. Apotu kesi kitajarata akwap kotoma apak kangin. Ajaatar kesi kaisikwarunio kotoma Atur naka Piladelupia naabu kitajar England, ka United States da. Ajaatar kesi kariamununeta neaponi kirengearere kes kosodete anyara ebe "Lukalaunak-luibelibelosi." Yesi luka Methodist kiraasi, ipotu kiswamata ngun; ibirokinos kesi kwape kokwap naka apedor naka Edeke, ido ewelanakinete kesi akipi oreetinikec ka aipukupuk kes. Abeit ngin. Kosodete kesi eibuk noi kokwap naka ngin, kiton neadumuniata kesi...kiton neatemariata kesi "ajaatar kesi kaibukubuka." Kangina ajaas itunga luebukubukasi ka eijang kokwap naka apedor naka Emoyo Lokalaunan. Ngun kes akiro nuiwadikatai nuka Methodist. Kanen kopote Ikamaranak ka icie da; ngul do kwana apotu kitarautu ngol erionget.

94 Apotu kesi kitarautu Methodist *lu*, Primitive Methodist, ido eipone *lo* loka Methodist, ka eipone *ngol* loka Methodist, aitodol naejesarotor do kesi kwape cut kiton nekototor itunga luka Methodist alemar "Aokot" kinga naka iitabonocek loka awoisio.

Kane akuar kaya, kotoma ainapeta nukosinema (Abu totoka kanyarau eong.) ajaatar kesi ka ekecokon loka Methodist, kane cut ko Indiana, isisianakini awoere naka akwapin naenyaritai rock-and-roll kotoma okanisa. Ebalala, "Erai nuileic ebe ikurok oni aanyun erame lo loibus loebeit kojai toma okanisa."

Erai ngin ajokit kotoma onabi lokengalat! Cut! Mam eong akoto aimusung aomisiokus, konye onac, erai ngin abeit naka Edeke. Ejok eong aitakadikin ijo mot koipone kalo kasodi ainakin ijo aisisia Naiwadikatai, kosodi katicepak aitemokin akiro kede Edeke, itia aolior kawasia. Mam ijo aticepak iminuni eong kwape kwana, konye acepaaran ibuni ijo aitun eong, kobala ebe, "Onac Branham, erai ngin Abeit." Kane edolit ngin cut kane, ido ejaas kesi alosit toma ngin. Ngin nges ejaas kesi...erai cut ngina. Abala Ebaibuli ebe epote kesi aswam ngun.

95 Kosnyet do konyouni kaneejai Wesley, arai abu Wesley kiswama ngun, kopote do Ipentekotin. Kosodete kesi adumun ainyakakinio naka ainakineta, kogeunete einer kede angajepa, aibatisao naka Emoyo Lokalaunan.

Kwape kelomuna ikinyomit yenika emudunga kotoma alupok. Ibore yenisodit, ebosiari. Itolomuni akwii adis. Kosodi do ngol... iwomit ijo ebe, ijaatar ijo kamisiri naka emudunga. Elomuni akou ngin kuju kosodi aisur. Losodit, kerai loka Luther. Aisur, inyobo arai ngin? Methodist; akiria, amin naka einacane, alimonokin, akiria epuriorete alosit toma kaluce.

Kanukinyo, karaida esube elopet inera aturio nu nuka ekanisa. Kolomunete Methodist kotoma aipurujauna...arai, apeleikinit eong, Lutheran alomun kotoma aipurujauna. Methodist ijangari awai akemin naka einacane, ka apak naka alimonokin, ka-ka apaaran naka-naka alosit alimonokin kinga. Apak nakapolon kakere naka alimonokin naejenunitor akwap arai kapak naka Methodist. Edolit ngin. Aijangar awai akekiria.

96 Inyobo abu kiswamaun kokinga kangina? Kotoma akiria kangun kolomuni ikit yenemudunga, luka Pentekosit. Ekinyomit bala kwape ibore kangipekangin yenaponi kiraikinai. Mere akionit, mere akou, konye icokat. Ido kwana Ipentekotin ejaas ainakis ecokat ngol aikoruoikin kere, kiton nee...mam ijo ipedori karaida aanyun icokat kapatan. Arai na apak naka aitalaun ngol! Amen! Inyobo apotu kesi kiswamata? Apotu kiswamata ibore ngipengin yenapotu luka Methodist kiswamata. Abu ediopet kitarau kes atukos naka erionget, ebalasi ebe, "Irai isio Assemblies of God." Nace ya, "Irai isio luka Pentecostal Holiness." Ace bobo, "Irai isio luka Oneness." "Irai isio luka Twoness..." Ido ejaas luipu luka *lu*, ka luipu luka ngul. Ikatunga! aiteker agamiat naka-aruk-adiopet kopur, arukia aarei, arukia auni, nginibore kere. Oo, ejaas akaisakanykape, arai akaisauni, arai iriongeta akaisaongon luka ngul.

97 Inyobo apotu kesi kiswamata? Apotu kocakasi ngol kau toma Oromayone bobo, kibatisata kotoma aibatis naka Ekanisa loka Roman Katulik. Elipit eong edio Epetekotit aitodikin eong neaponi kibatisaere idiotunganan kotoma Obaibuli Kokiror loka "Papa, Okoku, ka Emoyo Lokalaunan." elipit eong ekaanyanaran edio, ekaanyanaran lokapolon, esisianakinan edio, aitodikin eong neiswamatere ngun, neiswamatere kidimarai okanisa loka Atulik. Kosodi Luther ayangaun ngin kede nges, abu ngesi kolek atikasimu ka nginibore kere kotomake. Apotu luka Methodist kede ngin. Ipetekootin, ibusakinit yesi ti irumitos ileic! Italaunos! Kobongutu neejai Akiror! Kitoronikinos araimam elemari Edeke epir lokatala awai kamakus, Aica ngin naijaatar yesi. Amen! Eebo.

98 Alemar Emoyo Lokalaunan kwape engarenon, kosodete ainakin kes adokena nuka itunga lukalaunak, kosodete aibwaikin ngul kuju naka luemamei adoketait. Ido mam inyaraete kesi ebe "ikecokok, ikedarak," (Ebeit oni konyaritete ebe *ikecokok*, "ikedarak," nges apolou naka akiror *ekecokon*.) konye "papa, ekadinol, episkopi loapolon, overseer loimorimorit." Lukabeit alaitos ibore ngin! Ido abu Edeke kocam ngin kanukec, kosodi atemar ebe, "Alait Eong da ngin!" Naarai Nges ebeit araut ekaanyanaran lokapolon, ekaanyanaran loepoloikinit akwap, ka ipaapa. Iswamai ngesi kede nginidiopet; mere erionget, konye itunganan.

Kwana, nuitegelikina,...Kopupok, kwape kibunio toma angetakinet. Kijaar oni ekokoro ediopetebon.

99 Kwana kijaar oni kede aisisianakin naka Etulikane egeuni, aburonokinio naka Ikiyakia. Imwasi bo ai ejenete ngun? Naka Ikiyakia. Kwana ebala Atulik ebe "Ipaapa lolo nges eburokinit Petero, aburonokinio naka ikiyakia." Emamei ibore kwa kangin. Eipone ali ejaar akonikuan, eipud lokadote...Eipone bo ali eraar ebe Esau ka Yakob aurunitai kes kere kama ejai papa loalaunan ka toto nalaunan, ido ediopet kakesi Ekristayot ka loce je ejokit? A-ham. Eipone ali ejaunor kwangin? Naarai adiakar nges adiakar, ido adoteu nges adoteu, konye Edeke nges einakini Aur.

Esekunit Edeke oni ageun kapetetai naka akwap. Ijo ijeni lem ngun? Kidareu kiton nakidolokina oni aisiom akiro nu nukolosek, kosodi asesen eipone loabu Irenaeus...eipone loeinakinitor ngesi Edeke aiturio kanu asekun nges eroko apetetai naka akwap; eipone lo ebe Martin Lokalaunan ka ngul kere, koinaikinitotor Nges aiturio; Edeke, aiturio. Ebal, "Naarai..." Ido inerasi nuke, kobalas ebe, "Aponi nges koseunitete eroko apetetai naka akwap." Erai ngin Naiwadikatai. Etetenit Edeke iinacan ngul. Konye ekanisa lo lomojong loirionon abu kobu kamakec ikar elukumit kede akwatakany luka Aturio nuka Amuton, korapiasi nginibore kere kwape bala atabasa naepurie, arapiar Aica. "Konye ejaun Aica kotoma osawa loka atiibong," abala Ejakait.

100 Aburonokinio naka ikiyakia ediopet akaulo naka loce; ipaapa ediopet, ido ejai ijo ajaut toma aur naka luka ipaapa eroko ijo kerauna ipaapa. Oo, ikatunga, ikatunga! Erai ngin amamus aijen. Itunga luemamei adoketait kokanisa...Mere lukalaunak ka luedolitos, konye...kilipete isasedotin kanukec kosodete alemun kes kotoma adiakaretakec, aitim akecediakanareta, aitac isirigin kanuka aisiom opentesia.

Luka Protestant da iswamaete ngupengun! Etamitos kesi araut...ibapete kesi ekecokonikec opur kosodete aijar kwape kaluce kere luka akwapin. Ido mam ngol ejeni idiobore yenikamunit Edeke adepar eipone loajenia ngesi...acamakin kes aiboi kotoma okanisake kosodi anyarit kes ebe imeeban luka

ekanisake, kosodete ajalakin kes asalakinit toma nen ka alimonokin da kes ebe itajaritai kes. Eipone loeponiata kesi aituguikin kotoma apaaran kangin arai mam kes euritai irwan nakiareit! Emamei ijo Emoyo Lokalaunan iwoliorit ijo. Emamei etunganan loepedori atemar ebe, "Yesu nges Kristo," kilema bon kanuka Emoyo Lokalaunan.

101 Ekanisa lokabeit kotoma Epeso mam engalangalatai kama ejaas lukacoa, keiner lokacoa. Nges... Alaitos kesi ngun. Mam kes engalangalatai, ajenete kesi; Ekanisa lokabeit mam engalangatai.

Apukokinio naka aingal ngin najaatar ikesa lu, nanyaritai Inikolain, namam abu kocamanaros kede Akirot naka Edeke. Kolimokinai nenidio neianyunitor ijo "esasedoti kotoma aitosiom opentesia" isisakinitai kObaibuli kane. Aibo ber idumakini ijo "aicocikok" isisianakinitai kObaibuli kane kanuka aisionio naka adikanareta? Aibo ianyunia jo idiotunganan ibatisatai Kokiror loka "Papa, Okoku, ka Emoyo Lokalaunan" kanuka aisionio naka adikanaretakon? Aibo ber ianyunia ijo nu, "Einakinio akan nakoteten naka eidicane, ka aibwaikin ikecekiroria oitabo loka ekanisa" kotoma kanen? Aibo ber ianyunia ijo eipone loka iboro kalu kere? Inyobo ngin? Erai esasedotene arai lukapolok namam erai naedolit kama ejai Akirot, ido eraasi kesi Inikolain, ido abala Edeke ebe, "Alait Eong kes! Kobongosi toma Akirot. Oo, erai ngin...Ajeni ebe egogong ngin, iinacan konye mam eong-eong kekamunitos ngun; neejai Yesu, kopegata ka Nges.

102 Apukokinio naka aingal, mam eupasi kede Akirot, konye abu konyara kes "lukengalak, ikiyakia lukengalak, inabin lukengalak." Konye Ekanisa lokabeit abu kodongakin toma aisisianakin nageunet naka Paul Lokalaunan ka aibatisao naka Emoyo Lokalaunan, kede aanyuneta etupanakinete ka aitogogong Akirot naesisianakini Paul. Amen! Kitodidikinai eong neebunio Edeke aiir aitogogong akirot naka aicocikok. Kitodikinai eong neabunio Edeke aiir aitogogong, ka ayangaun einer kotoma angajepa ka iboro lukapolok, kanu bon ayogan kakanin nepepe ka ekecokon kanenice ka aibwaikin da ekonikiror oitabo; kwabo koroko inyakatoi, aimat esigala, aimat ajon, aingal, ipucino luka akadain, aitelelio, alosit...Oo, aitim! Erai ngin nakakuan, enabi lokaingal, opapero. Eebo, ipa.

103 Erot loka Edeke nges alaunit. Kojenunos kanejaas imeeban kere kane luka Akuan naka Krsto; kiton najaria ijo aijar nakalaunan, mam Edeke ecamuni akonisubanit. Ibusakinit asubanit ainakinio kede akanin nukalaunak. Ngin erai...?...nakabeit. Esasedoti lopeti eroko da ber nges kelomuna toma kanu ainakin asubanit, ajai nges araut loelai, ka loeinakina, ido kinyonyoikinitete, ido kosae neur ma, ka nginibore kere, eroko da ber nges keloto akonyen nuka Edeke ekaulo ainakin asubanit. Ngin erai nakabeit? Eipone do ali ipedoria ijo alosit kinga ne kosodi airod ka akoko, ka ecelet, ka ejie kede ekonidunyet, ka nginibore ice kere, ka ainyikokinit da koipone kalo iswama ijo, kosodi abunore toma ido atemar, "Wu Ejakait Edeke! Kituritete Yesu! Aleluia"?

Ebalas itunga ebe, "Aseseni eong kes ineras kede angajepa." Mam ngin da erai akepolou ebe ejaatar kesi kEmoyo Lokalaunan. "Apupi eong kes ecelanaros." Mam ngin erai akepolu ebe ejaatar kesi kEmoyo Lokalaunan. Emoyo Lokalaunan erai aijar.

104 Abala Ebaibuli ebe, "Etepi edou toma akwap duc, kanu akapanakin ngin, kanu atemonokin ngin kanuka nuekapanakitere nges," (Iburanian 6) "konye ikukwa ka isugugur lueyapikinit angerio, luerai awasiakec aicweario."

"Ecai akolong nejaas ikadolitok ka lumam edolito. Etepi edou nejaas ikadolitok ka nejaas lumam edolito." Ebuni edou kanu aitopoloun irasit yenikimait (ibuni oni anyara ngin), ka ngolidoan loejai misiri. Arai ejakit akimait akure, akepolou ejakit edoan da. Ido edou ngopengol loicocikoki akimait, nges icocikoki-icocikoki edoan da. Ikeun akimait akou kosodi ailulukin, "Kituritete Ejakait! Aleluia! Alleluia! Eyalama eong noi kanu adumun edou lo!" kilulukini edoan da, "Kituritete Edeke! Kituritete Edeke! Aleluia! Eyalama eong adumun ngol."

"Konye ijenuni oni kes kanuka akeceraito." Edolit ngin. "Ijenunete kes kede akeceraito."

105 Ekokoro lo 7, kasodete do oni agolokin, na nges nakawasia kanuka atur. Kwana ibuni oni aiyap nepetai idakikan ikany, arai, itomon, ipak edit.

Ngin yenejai akit, kopup nuelimonokini Emoyo ikanisan. Ngin yenipikori ainakini nges ainyam araito nuka ekitoi loka aijar, loejai paradais loka Edeke.

Kwana koany, ipapero, lo nges eipone loipikoria ijo. Nasodit ejai ber ijo aipikor, knges konyet do inyamia jo araito. Erai yenipikori. IKiitunit ijo akuar ya, awokoisisianakin kakuar kaya? Ajai ber Yokana adumun Emoyo eroko nges keanyunia idiobore. Eipone ali ilosio ijo aiboikin, kobala ebe, "Arai mam nges erai loka Baptist, mam eong alosi apupokin nges." Arai mam nges isisianakini cut becebec kwa ekosikanisa, eong... Mam ijo-ijo-ijo ilosi aipikor, mam ijo ilomarit Omoyo ber. Yesi kere ijaas kinga naka ainapeta.

Koloma toma Omoyo, kotema, "Ejakait Yesu, amina eong Ijo, kwana kopukok eong idiobore yeniseseni Ijo ebe ibusakinit, koyangau ngin mamaka." Kwangin ijai do ijo-ijai do ijo ajokiar. Erai ngin nakabeit.

106 Koany, inera Eitabo irwan auni nuka-nuka Ekitoi loka Aijar kotoma Ageun, irwan auni, kotoma Oitabo loka Apukokinio. Kapaaran kaya kipou oni kajaas kede ngun. Iitunitosi? Naesabiiti, bian. Ngol bon...Elait ajokit nginitutubet kere naka Naiwadikatai naejai, konye engara ngesi, kaitelekarit, Ageun kede Apukokinio. Esurokinit ngesi Ageun kanuka aitogogongit abeiteke, naarai ekoto ngesi ainakin itunga aiyuun ebe mam Ngin kerai kwangin; "Mam Ageunet elomunit koipone kalo abalar Edeke ebe apotu kesi, kejai icebore yenabu koyangau esube lo ka ibore" Kosodi ngesi asurokin Ngol koipone kangol. Ido elemari ngesi itunga awai kama ejai Apukokinio naarai epukorit Ngol: Yesu araut Edeke, ka nges araut ajokit (ido ebeit nges amudiaro), ka aibuses naka Ekanisa loitalaunitai elosi ore neejai Edeke, ka amudiaro naka enabi lokengalan, ka ngul kere luingalaete ka aswam da nginibore kere elosio acakakin toma angolol naka akim. Erai numam eraas nukaumokin ireborit ngesi kes kama ejai Ngol. Konye kiitu, aiboisio ngun aarei kere ineras nuka Ekitoi loka Aijar koparadais."

107 Kwana alemutu ber oni na apak edit, ido kwana "Ekitoi." Yokana Lokalaunan esula lo 6, arai ikoto aiwadik ngin, abala Yesu ebe, "Arai Eong e-e-Inyamat luka Aijar." Kwana kiitu.

Kwana ilosi oni aitwasam apadei nu aarei kwape ejenunet kane. Kwangin, eroko oni kegolokina, kwana. Kwana, kotoma akanika nakoteten ejai ekitoi kotoma omanikor loenyaritai Ekitoi loka "Aijar," kotoma akanika nakokediany ejai ekitoi kotoma omanikor loenyaritai ekitoi loka "aijen." Imwasi bo ai ejenete ebe ebalala Ebaibuli kwangin ebe ejai Ekitoi loka Aijar ka ekitoi loka aijen? Kwana, kebeit etunganan aijar kede Ekitoi lo loka Aijar, mam atiror ekitoi loka aijen. Ngin erai nakabeit? Ido irwan nasodit naatiroria ngesi ngol, abu ngesi kotiakar kama ejai Lokasuban. Abu ngesi kotwania eke-ekaidicane kede Edeke nakiiria ngesi irwana nasodit loka aijen. Kwana, koomoom ejok kwana. Ido yesi luiwadikaete akusikiro abuni eong ainakin yesi apak tetere yes ipedorete alemun ngin, naarai mam eong akoto yesi atwakiar na.

108 Yesu kotoma Yokana Lokalaunan 6. Amasete kesi kotoma atan, ido ilakajaete akecekanin kosodete akienar kanen, ebe, amasete lukapapakec kotoma Atiida nakomoyo, ka acie da. Abu Ngesi kotema ebe, "Eong nges Atiida naajai toma amoding."

Kosodete kesi atemar ebe, "Kane ibala ijo ebe 'kijai Jo eroko Aburaam ejauna,' idkwabo korai Jo etunganan lomam ideparit ikar akaisakany lukapolou. Ido ibala Jo ebe 'ianyunit Jo Aburaam'? Ijeni oni ngun kwana, ebe, emunaara Jo akou, irai Jo ejokit." Ianyu?

Abu Ngesi kotema ebe, "Eroko Aburaam ejauna, AJAI." Ajai AJAI okiot kede Musa; okiot loanokie, AJAI. "Eroko Aburaam kejauna, AJAI"; mere "Kajauna."

Kwana, yesi itunga luibalas ebe atuboros apaarasia nuka nukapedor, eyaingaikini do yesi ainakini ekokoro ngol atemar ebe, "Abu Eong karai lokapolon loabu sek kajauna." Ianyu?

Mere ebe "Abu Eong kajauna," araiboot abuni Eong ajaun"; "AJAI," erai ngin apak kere. Erai Ngesi lomam Edaun. Akivot ebe "AJAI" erai Namam Edaun, aturikec kere, apak kere, kotoma opirin kere ikanykaarei lukatalai lukesabu, ngolikanisa, nginiiboisit, ngolitaun kere. "AJAI," (mere "abu Eong kajauna arai abuni eong ajaun") "Ajai Eong kwape kwana kwape ajaar eong duc." Ianyu? Arai duc Eong, AJAI."

109 Abalas kesi ebe, "Lukapapakosi...Mam isio ijeni ijo. Ijeni isio ebe irai ijo ejokit." Apotu lukapapakosi onyamata emanu kotoma amoding adaun aojau naka ikar akaisaongon."

Kosodi Yesu atemar, "Ido kesi kere nginidiopet atwakata." Abeit ngin? "Atwakata kesi kere. Konye Eong..." "Oo! "Arai eong Inyamat luka Aijar luapotei kama ejai Edeke kotoma Akuj. Arai...Inyamat luka Aijar. Arai kenyam etunganan Inyamat lu mam etwani cut."

"Einakini kereka etunganan lo akekuan, anyamio?" abalasi kesi, "Kwana ijangakina nges akou cut."

Inyamat luka Aijar eraasi luelomunitosi kaneejai Ekitoi loka Aijar, neanyamiata kesi, kama komanikor loka Eden. Ngol ngesi kerai Ekitoi loka Aijar. Kwana, arai abu Ekitoi loka Aijar korai Etunganan, akepolou ekitoi loka aijen da kerai etunganan. Aso do kotema ebe amameotor emun kekinyomit! Arai elomunit Aijar kanuka Ekiliokit, atwanare da alomuni kanuka aberu. Mam ace, arai ngin ekitoi loka atwanare.

110 Atipet ngipengin-nape kemunaria ngol ngin, na da abu ngol kiswama (emun), abala aberu ebe, "Emun kejedijodi." Edolit ngin. Mere loeliatoi; kerai ngesi lokacoa kakere kotoma otiang, ajai ngesi akidingos naka ecom kede etunganan. Mam ikinyomit yenetiang inyalakinos kede aberu, mam epedori aswam ngun; konye ekesa lo kerai, kerai ngesi loayapianara noi kede ngin. Ido abu Edeke koinak eipone ekenit kwape kangol neke abu kibwaik ngesi kwap akoikike, ido komameete akejen, kosodi alemun nginikojoit kotomake kosodi aijulakin ngol kotoma idiobore yenesubit bala etunganan. Etamit science abokun ngin kotoma alaro ace. Ibwaa ngin kotoma aiyeiyea naka Edeke, kakidingos naka Paradais loka Edeke. Ngin nges Apukokiniokon.

111 Abu ngin kouru okokuke losodit lo da arai Kain (ngin erai naabeit?), okoku loka Satan, okoku loka Satan. Arai mam kesi iswamatos, aibo tikebunio-aibo tikebunio aronis ngin? Kama ejai Adam loarai Okoku

loka Edeke? Abuni kama ejai lokaronon, papake. Ido abu ngesi koyar; ekaaran losodit arai Satan, okoku loka Satan.

Kosesen nuapotu kiswamaunos akaulo kangun, kosesen aur naka Kain. Cut anatar aturio kere nuapotu kotupakisi, akaulo naka Kain, arai nginidiopet luka science ka itunga lukapolok. Kosiom Ebaibuli. Apotu kodukoto itogoi, apotu kiswamata kede asua, ido keraas kesi luka science. Konye nginidiopet yenelomunit kamaka Seth, (Abel abu kotwana, aitupuset naka Yesu, abu kotwana; kosodi Abel atwanare, kosodi Seth aburokin nges; atwanare, anakio, ka ajarun.)...kotoma kaluke alomuniata akoriok lueyapaara, ikecokok amerekekin apotu kolomutu kotoma kangol.

112 Kwana abala Yesu ebe, "Apotu lukapapakus konyamata emanu kotoma amodingot ido atwakata kesi kere. Konye arai Eong Inyamat ngul luka Aijar," (Inyamat bo alu luka Aijar? Lualomunitos ko Eden!) "ebe epedori itunganan ainyam Inyamat lu ido mam etwani cut." Kwana, abu Edeke kibwaik Emalaika airigaun Ekitoi ngol luka Aijar, kanu ayuarit ngol tetere mam idiotunganan etirori ngol, kinyekikis ainyam Ekitoi ngol tape ejarete ikar kere. Ngin erai nakabeit?

Naarai, kejai kes ainyikokin kede ekitoi lo kosodete atwakare. Ngin erai nakabeit? Naarai bon ebe enyikokinitos kesi ainyam ngol, atwakete. Ido cut abeit kwape itwania ijo naarai inyami ijo kama ejai ekitoi ngol luka aijen...Kwana kasesenata ber oni ekitoi ngol luka aijen kwana. Kosesen ber ijo nueswama ngol. Kwana kasesenata ber oni nueswama ngol. Ibore yenisodit, aanyutu ber oni, ngol...Eebo, kaanyutu ber oni adiopet napotu kesi...abu kitolom akiria nuka arasasin nuka emuudu, kotoma okitoi loka aijen. Ibore yenatupakini yenikiswama oni, ikatunga, aanyutu ber oni, apotu oni-oni ketolomutu iboro luekerete itosomaete akinyet, kotoma okitoi loka aijen. Eyarete adepar kwa keyaria akiria nuka arasasin nuka emudu. Oo, eebo! Kwana, kijaar kwana oni kede eboomu loka ekwam. Mam Edeke emudiari idiobore, etunganan emudiari bon kede akeijen.

113 Konye kere ebeitos Edeke, itajaruni Edeke ngol bobo; mam Edeke etwaniari idiobore. Abala Yesu kwangin, edolit ngin, "Ngin yenyenyami Inyamat lu ejaas kede Aijar Namam Edaun, ido etonyouni eong nges bobo kapak nakawasia." Akeisumunet ngin. Kwana, Edeke...

Aekasi kesi iingaren, enyamete kokitoi loka aijen ido kotwakete. Konye katipet kepedosi kesi adolore Okitoi lo, ejarete do kesi ikar kere.

Kwangin aiboisit naka Emalaika kangina aireborit kes kama ejai Ekitoi lo, ejai do kinga nen emieet kesi abear neejai Ekitoi lo; imalaikan luka ikanisan, ikanisan ikanykaarei, ainyakun kes neejai Ekiror loka Yesu Kristo loerai Ekitoi loka Aijar loebwoi ko Paradais loka Edeke. Otukui! Ikatunga! Amuno eong ebe ikamuni ijo ngun. Ekitoi loka Aijar loebwoi kotoma Paradais loka Edeke tetere ijo inyami kotomaKeng kosodi araun okoku ka akoku naka Edeke kosodi aijar ikar kere. "Ngin yeniirari Akakiro kosodi aiyuun Ngol lokejukuni ejaas ka Aijar Namam Edaun, ido mam ebuni toma atubokinio konye atubor anyoun katwanare kiton Aijar."

114 Onac, iinac, kwana ajai eong...eong...Ajani eong ejok, kawan eong ijo, kemusung eong ijo. Mam eong apeleikinit aswam ngun kwangin. Ianyu? Ejeni Edeke ngun, konye ejai eong aswam ngun koipone kalo tetere ijo ianyuni nekijai oni. Mam eong eyuunit ebe kijaar oni kapak naepol aiyatakin aiboi. Mam eong atamit aitarauun ijo yenimam irai Ikristayot naarai ebe ijai ijo orionget. Mam erai kwangin. Eraas itunga luikamuna kotoma ojutene kangol. Emamei kes ibore yenebeit kes aswam; nueswamatos ikeceuriak kere arai duc alosit alomar okanisa ka iboro

Konye, onac, idiopie bore eroko oni kenyouna, kinyek ber eong alem atakunet na adiopet. Abala enabi...Ijo iyuunit inabin? Abala Ebaibuli ebe aipup kes. Abala enabi ebe, "Abuni apak adolun namam erai apaaran arai akuar, konye ebuni asubit bala apaaran naesubit bala emusumusi. Konye kotoma apak naka atiibong, nape eroko akolong elomara, ejaun Aica." Ngin erai nakabeit?

115 Kwana kosesen nukijaunor oni. Kwana, kasesenata ber oni. Eipone ali iswama akolong...Aibo elomunia akolong, arii naelomununa? Kide. Ngin erai nakabeit? Elomari koto. Karai ti eong kajaatar, abuni eong alemun amapu akuar naka moi kasodi aitodikin yes. Apak naadounio Emoyo Lokalaunan ko Yerusalem, abu kiswamau ejok cut esula ikanykauni, eipone loelosio. Elosi arasar cut kotubor kiton Ireland, kobonguni bobo airimun, lailo, kosodi abunore ariri naka oto, kosodi abongor bobo; ainomun cut enaaba ikanykauni neapotu Akiro Nukajokak kodoloto. Kwana, apolo abu koupakinos kede akolong. Imwasi bo ai ejeneta ngun? Isisianakinitai yesi ngun ido ijenete. Apolo naemojongit kakere nakijaar oni erai China, kosodi anyoun kanen kobuni cut kobu atubun kowai lokokide. Ido neabu Emoyo Lokalaunan, mere a-k-o-l-o-n-g, konye O-k-o-k-u...

116 Nakegeuna akolong, a-k-o-l-o-n-g, nakegeuna aica cut kotoma olisina ka ekuna loka akuar, mamace neejai icokat, ebuni aijar; naarar aijar kere naka iraan ejari kanuka akolong. Kijeni oni ngun. Ipedori ijo abukokin ekokot loinyalitai kesimit nejaas anya, ido aiporo naetupakini, aibo ejaas anya nuisikakina kakere? Cut angeset naka esimit. Inyobo? Erai aijar ngin kokwap kangina, mam ijo ipedori ainuk aijar obe. Iijar ngin, katipet akaulo naka ajenun ebe edeleleu akolong kotoma kanen, ebuni ajakun ekerot katutubet naka esimit kiton neireunia ikekou kuju toma okwam kosodi agear aiturit Edeke.

Mam ijo ipedori aibwa Aijar. Erai ngin nakabeit, AIJAR. Kiuruun ijo irwan nakiareit mam ijo ipedori aibwa Ngin. Ejai icebore aiworotoi naijaatar ijo Aijar.

117 Kwana, iboro kere luetwakitos kwana, ido icok kere ludidik ebwangunete apukor, kobocor emukule, ido atwana, konye eroko aijar ejai nen. Kwana, naegeunia akolong aica kotoma aiporo, elibunete atur, kosodi nginibore aikeun akekou kuju bobo (kinga kokwap naka aipanya ka, kinga kokwap naka apungurei, kokwap naka amor), enyouni bobo, kosodi aijar bobo. Ngin edolit? Naarai ecai akolong.

Kwana, acepaaran ebuni Okoku acaun, loerai Ekainakinan loka Aijar Namam Edaun, ka nginibore yeneurikinitai mamaKeng kanuka Aijar Namam Edaun, abala Ngesi ebe, "Abuni Eong aitonyoun ngin kotoma apak nakawasia." Ijo iseseni nuapeleikinit Eong? Eponio aitonyoun Aijar naka ikar kere kotoma apaarasia nukawasia. Arai kinukakin ijo toma angolol, arai kicwear akonikuan kosodete aisiarakin osodai iwongon kere luka akwap, itonyouni Edeke ngin kotoma apak nakawasia. Arai eyangaiki ijo aisimonikin engatuny loeyarit etengei, arai-arai arai aitor aipanya nuegiranete nuepote amudiar ikonilupei kere itomon ka lukanykape luiswamaunitere etunganan ka aica ka nginibore kere kamakon, itonyouni Edeke ngin. "Imaritai kiton itim da luka akoukon." Amen! Itonyouni Edeke ngin!

Kwana, kosesen ne. Kwana, arai etwani ediotunganan kere kanuka aberu, akepolou nginitunganan kere ejari kanuka Ekiliokit. Ainyam nuka aberu kotoma oipone loka aijar kangin, ijeni ijo ebe ibuni ijo atwanare. Emamei eipone loka alomun kotoma, ilosi jo atwanare. Kosodi abeit cut nape inyamia ijo nuka Ngol, ilosi ijo aijar; emamei eipone loka alomun kotoma, ejai ijo aijar. Amen! Arai itolomuni ngin atwanare alopet, itolomuni do Lo Aijar alopet, ngol bon nges eipone loipedoria ijo adumun ngin, nges ajaun kede Aijar.

118 Kwana, abala enabi, ebe, "Ejaun Aica kotoma apak naka atibong." Kwana kosesen. Abala ngesi ebe apaaran naebuni araut naemusimusi, mam epedorio anyara ebe apaaran arai akuar. Erai naesubit bala ibwalit idoun, kopurie, apaaran naelilim, konye kojai Okoku aijakin Aica. Kuju cut adepar elisina ka idoun ka ice da, ejai Okoku aijaikin Aica. Ijaikini Aica naipedoria ijo alosit, ido ipedori ijo asesen eipone loka alosit, kaceda, konye kereka komam-komam erai apaaran nailiacacai, kocai. Ianyu? Kwana, emamei ibore yenedepori Aijar kotoma apaaran kangin kapatan.

Arai kiraik ijo idiobore kwap nemam akolong ecaikina ngin, egiri apoloor. Ngin mam erai nakabeit? Ijenete yesi ikakoriok ngun. Kibwaik ber ijo emudunga toma otolim arai nenice, koany, ikarakini. Fred, ibusakinit ijo kojoni ngun kede ekonongaano. Kibwaik ijo nges kinga ngina, ido arai ijaatar ijo kaiporo nakaronon, oo, kolilim ido kotepi, ikarakini

119 Eebo, ngin nges ationis kede ekanisa anatar aturio kere, araut iput. Ainakisi iriongeta mam epoloor, "Aibwaikin ekonikiror oitabo. Kijaar oni Aica nailosikina kanu aijen ebe ejai Edeke." Eyalama eong kanuka ngun. "Ijaun oni kede Aica nailosikina ajenun ebe ejai Kristo, ebunit etube. Kijaun oni kede Aica; aso ibwaikini oni ikiroria toma oitabon, kijang oni akanin kede ekekokon, ka ace da, kasodete aswam ngun." Eebo, konye kwana erai apak naka atibong.

Kwana, apol abuni kokide kolosi to, ido kwana kijai do oni Oitolima loko To. Mam oni ipedori aikunyakini iingaren bobo; kiitubor oni juwai, kibongori oni kide bobo. Mam oni ipedori aikunyakini iingaren bobo. Ijai oni Oitolima loko To.

120 Kwana, abala Ebabuli ebe, "Kotoma apak naka atibong abeit Aica abunore." Kwana, eipone bo loka akolong naikoni ai ecai kosawa loka atibong? Biai erai akolong naitegelikina elomuni tupuruc? Erai akolong ngipengin. Ngin erai abeit? Eebo, do konyet, inyobo esumunikit Edeke? Kwana kilosi oni adolokin na, koting ngin, kanepokane kotoma atur *kana*. Abala Ebaibuli kwangin, abuni eong aitogogong ngin, aturio nu nuka ekanisa, kwape kilosio oni iingaren kotoma kangun. "Kotoma apak naka atibong ebuni Aica alomun ko To nainyakuni Okoku Lokadolit bobo kede aitangal kotoma AbebenokaKe. Ido aanyuneta ngupengun ka nukaukokin ngupengun nuaponi kiswamai kokau kangina koKide eponio aswam kane koTo, kede abukunio ace naka Emoyo Lokalaunan kotoma apak nakawasia."

Ejaun Aica kotoma apak naka atibong,

Erot loka Aibuses ibuni ijo cut adumun;

Kotoma korot kangol loka akipi, ejai Aica lolo,

Idaitai kOkiror loka Yesu.

Ludidik ka lukapolok, kitoronikinos akusidiakanareta kere,

Abeit cut elomuni Emoyo Lokalaunan toma;

Abu Aica naka atibong,

Erai abeit ebe Edeke ka Kristo eraas Ipe.

Oo,Ejaun Aica kotoma apak naka atibong,
 Erot loka Aibuses ibuni ijo cut adumun;
 Kotoma orot kalo loka akipi, ejai Aica lolo,
 Idaitai kOkiror loka Yesu.
 Ludidik ka lukapolok, itoronikinos akusidiakanareta kere,
 Abeit cut elomuni Emoyo Lokalaunan toma;
 Abu Aica ngin naka atibong,

Ibore ngipengin nges abala Paul ebe, "Kojenun mamakus, ebe etarau Edeke Yesu lopelo, loipotu yesi kibubukisi, Ejakait ka Kristo. Kitoronikinos nginidiopet kayesi" abu ngesi kotema ebe, "kosodete aibatisaun Kokiror loka Yesu Kristo kanuka aisionio naka adiakanaretakus."

121 Eong ber kalimok ijo icebore. Kwape enerar eong kapaaran kaya kotoma *aicorakinet naka emuron*. Mam itunga ekotos acamun aicorakinet naka emuron. Arai ejaatar ngesi a-amukian naitangaleuni akonideka, kosodi ijo akurwokin-ijo ainger acamun ngin, mam erai adiakaret naka emuron ebe itwani ijo. Mam, ipa. Erai adiakaretekon, naarai ibu ijo konger acamun ngin.

Doodo kwana, arai kiwadik emuron aicorakinet kosodi ngesi...kosodi ijo ayangar aiwadikaet naka amukian neejai ekakoran ike lomam itutuoro ejok, kosodi ngesi aibwaikin icebore toma nen yenimam ebeit kojai toma nen, ebuni aiyar ijo. Ngin erai nakabeit? Isisiat emuron ngun kiton naejenia ngesi ebe ejaas nuipu nuikamunitos amukian ngin nueraas epoison, kanu aiyar ikur ngul luejaas toma akuanakon; ido ejaas ikee lueculetete ka aitulilim epoison tetere mam kiyari ijo. Ido ekoto oriakasi. Arai kibwaik ijo ike luitililimete luipu, mam epedori aingarakin ikadekan; kibwaik ijo epoison loepol, eyari nges. Ekoto itirianitete.

122 Arai aingiset ebe, "Emamei kereka emina ko Gilead? Emuron emamei kanen?" abala enabi. "Aso inyobo mam ariebo naka akokuka engaleunio." Inyobo ationis kede ekanisa? Inyobo ationis kijaatar oni kede ikanisan lumojong luipu luedekasi? Naarai kijaun oni kede akorak ikee lumam isisiatos ejok ekoranarete erono ikee Luicorakinit Emuron. Abeit ngin. Mam Nges abala ebe, "Papa, Okoku, Emoyo Lokalaunan." Ngesi...

Kebala bo Aicorakinet naka emuron biai? Petero lo kane. Imwasi bo ai ejenete ebe ajaatar ngesi kelacet loengaari Akabakanut? Abala Yesu kwangin. Inyobo tiketema ngesi? Kakiro ace, ejaatar ngesi ka akwara naka ebuino kanu aiwadik Aicorakinet naka emuron.

Kepuputu kesi nu kere kamai elwana, (Eluluete kesi, kocelanros, kineras kotoma angajepa, ido kojaas kede apak kwape kangin.) kosodete kesi atemar ebe, "Emeras itunga lu ebino loitetet."

Abu Petero kotema ebe, "Mam itunga lu emeras ebino loitetet, kwape ibalatar yesi, erai isawan iuni luka atupuruc. Konye eraas nu nuenerit enabi Yoel, "Ebalala Edeke ebe, kotoma apaarasia nukawasia, abukokini Ekamoyo nejaas awate kere. Edwarete idwekus lusap ka nupesur, abukokini ekamoyo nejaas akabulesin ka ikabulesin, ido edwarete. Etodiar akaanyunete kotoma akuj, kokwap kakwap; akim, ka apuru, ka elisina. Ejaun da ebe ngin kere yeniworoi Ekiror loka Ejakait itajario."

123 Bobo da mam kereka nges enerit nuka Daudi, kobala ebe, "Abu Papa Daudi koany ngin sek, kosodi ngesi atemar ebe, "Abeit iyenguni akakuan kotoma amun naarai mam Nges ejalakini Ekatau kokatwak, karaida Nges ajalakin LokalaunaniKe aanyun aibos.' Kinyek eong kenerakinos kede yes kailajaara, iinacan, nuikamunitos papa Daudi. Erai ngesi loetwanit kidaitete da, ido ejai aketes kede kaoni kiton kwana. Itei ijo, konye nges, kwape enabi, abu koany ajarun naka Kristo. Kojenun mamakus, ebe Yesu lo, loibubukisi yesi kede akanin nukaronok, etarau Edeke Nges Ejakait ka Kristo da."

Nakiirariata kesi nu, koditasi ikecetaun, kotemanaros, "Ikiliok ka iinacan," arai, "Emuron Petero kiwadikaikinai isio, Amukian. Eipone ali kipedora isio adumun Nu? Ikoto isio aitagaleunio naka adiakar." Oo!

124 Kwana koany nges, nuabu kolim. Kwana koany neapotu ikanisan lu koolioriata. Abu ngesi kotema ebe, "Kidarakisi alosi eong aiwadik Amukian, ido ebuni araun Amukian naka ikar kere. Ebuni araut kanukus, ka ikusidwe, ka ngul da luelwaka, ka luipi kere luenyarauni Ejakait Ewokodeke."

Inyobo abu ngesi kotema? Eipone ali abu ngesi kitemokinio ngin? Biai kwa itingitor Atulik? Kwa itingitor Baptist? Kwa itingitor Methodist? Kanginidiopet kakesi eyataki icebore arai alema icebore kotomake. Kwape luka Pentekosit? Apotu kiyatakisi arai alemar awai. Konye biai abala ngesi? "Kitoronikinos, nginidiopet kayesi, kibatisaunos Kokiror loka Yesu Kristo kanuka aisionio naka adiakanaretakus, ido idumunete ainakinet naka Emoyo Lokalaunan." Amukian naka ikar kere! "Erai kanukus, ka ikusidwe da; erai

na naenatari nginitur, abu koinak ngin neejai nginidiopet kakesi.”

125 Wu Edeke, kitalau akakanin. Kitalau ekatau, Ejakait. Korau...Arai kelema na ikapapero kere luajaatar eong, ber eong kainak Amukian koipone loabala Emuron eong ainakinia Ngin.

Ngin nges apolou naijaatar yesi kede ikanisan luipu luetwakitos, imeeban luipu luetwakitos. Ijaas yesi aiyatanakin ekia loitililimi, ka alemanar loepol noi kotomake kiton nemam bobo amukian eraar amukian cut obe, mam epedori karaida aitangalaeun idiobore; aijang akanin, ka alomanar okanisan, ka aicokicok. Oo, aitim, mam ngin erai Amukian, atwanare ngin. Arai ikoto ijo Aijar, ido kipuda Emoyo Lokalaunan, kotup nuabala Edeke aswam. Ocam Amukian! Koipone kalo abalar ngesi cut becebec, “Mam iyatakin arai alemanar kotomake.” Aso kane kobuni do Apukokinio cut aikamar kosodi atemar ebe, “Ngin yenelemari arai aiyatakin, elemario kwape kwangin (ekewai) kotoma Oitabo loka Aijar.” Oo, ikatunga, ngol nges Emuron lokapolon. Oo, amina eong Nges. Ijo mam imina?

126 Oo, neejai atur ngin nakapolon, Atur naka Epeso, naegeuniata nukaingal acedun toma, kanu aiswamaunun iriongeta. Kosodete ikecokok ka idikonin...arai mere idikonin, konye ikecokok...mere ikecokok, konye Kadinols, ipiskopin, luipaapa, overseers luka aicokisio nuka ekanisa, alimokin Emoyo, alimokin Ekanisa, “Kwana, mam yesi ipedorete ajaun kede ngin kane!” Ingaibo erai loapolon, ejaas ber ngun da?

Aponi kingitai Petero kapak adiopet. Ebe, “Mam ijo ipedori aiyatakin alimonokin Kokiror loka Yesu. Ipedori ijo alimonokin arai ikoto ijo, konye mere Kokiror loka Yesu.” Oo, elait ajokit Ekiror ngol!

Abu Petero kotema ebe, “Edolit eong ai...” Abala Ebaibuli ebe, “Ilelebun Petero...” (erionget?) Oo, aa, “...Emoyo Lokalaunan.” Ebalala, “Kidarek, alosi ber eong aanyun episkopi, aanyun nuelimokini ngesi eong kanuikamunitos Nu.”

127 Eong ber kalimok ijo. Ijeni ijo ebe ejaatar luka Assemblies of God kemuron loewanyanari adam kanu aitutub, ka alosit ayanganar ikalimonokinak kec iingaren naka emuron loewanyanari adam, kanu aanyun arai esiposi adam nuka etunganan kanu alosit araut ekalimonokinan? Pentecostal Assemblies of God. Imwasi bo ai epupunitotor ngun? Abeit cut, ejai anatar kere, nginitunganan kere ejeni. Abeit cut. Ingai ebeit ayait ekalimonokinan ka araut ekatubon, emuron loka adam araibo Emoyo Lokalaunan? itei ijo, ngun kes idumuni ijo, kotoma ajaut kede etunganan. Iteti ijo, aomisio nuka itunga, aisisianakineta nuka itunga. Kidareu kiton nakidolio oni atur naka Pentekosit! Ebuni Edeke aicwear ibore ngin kwape cut kakwap. Eebo, ipa. Abeit cut. Ido ibuni ijo aanyun ikamuni akim erot kere. Ah, ham. Becebec cut.

128 Konye apaaran ace mutan naka aibuses ebuni Ngesi. Ido kiitu, kopupok, ejaas aturio akanykaarei nuka ekanisa. Ngin ecai? Ejaas aturio akanykaarei nuka ekanisa. Ido kiitu nealosioto kesi airiamun kede Eteran-Eteran, apotu ace kojotooros kotoma akwenyunet nasodit (Ngin naabeit?), akwenyunet nakiareit, (Abeit cut, mere-mere atwakare, ajotoor.) akwenyunet nakiuniet, akwenyunet nakiwongonet, akwenyunet naikanyet, akwenyunet naikanyetekape; ido kotoma akwenyunet naikanyetekaarei obuni aruo, “Koany, Eteran ebunit! Kolomasi kisiriamata Nges! Inyobo abu kiswamaun? Abekon nu kere nuapotu kojatooros, aponi kitiyekwenyunai.

Kotoma atupuruc naecai namameotor da idouon naejaruniata lukatwak kotoma Kristo Yesu, (Emameete idouon, epote akimian nuka atibong aica.)

Kosodi atupuruc aiwalar kocai ido kojok ikar lumam edaunos;

Neetukokinotor luitajaritai kotoma akwap nepepe oreriakec juwai naka akuj,

Naenyaraere ikiroria kokuju kangina, ajaun eong ngina.

Naenyaraere ikiroria kokuju kangina,

Naenyaraere ikiroria kokuju kangina,

Naenyaraere ikiroria kokuju kangina,

Naenyaraere ikiroria kokuju kangina, ajaun eong ngina.

Etarikinos ber oni kanuka Lokapolon anyoun tupuruc sek kiton nelomaria akolong,

Enerata kere nuka aminake aidario;

Kosodi neengetakinor aijar kere, kosodi aswamuwok naka akwap angetakin,

Naenyararere ikiroria kokuju kangina,...

Nginikoku yenika Edeke ikeu akokikanin kwana:

Naenyaraere ikiroria kokuju kangina,

Naenyaraere ikiroria kokuju kangina,
 Naenyaraere ikiroria kokuju kangina,
 Naenyaraere ikiroria kokuju kangina, ajaun eong ngina.

129 (Oo!)

Kotoma ajijim motimot,
 Iriamun oni kodoket ngol loibus;
 Kotoma ajijim motimot,
 Iriamun oni kodoket ngol loibus
 Yesi iminasi ikosasio lumojong luka ekanisa? Oo
 Nejai Papawok lokuju loeinakini atitai,
 Einakini oni awokoinakinet naka aiturit,
 Kanuka ainakinet naka aibuses naka Akemin,
 Ka arerengusio nuerapiaritos Kotoma ajijim motimot,
 Kotoma ajijim motimot
 Iriamun oni koodoket loibus;
 Kotoma ajijim motimot,
 Iriamun oni kodoket loibus
 Kwana iyogaikinos kede idiotunganan yenosiepikon, kere luka osiepikon kwangin. Ejok ngin.
 Kotoma ajijim motimot
 Iriamun oni koodoket loibus, (Kolim ebe, "abuni eong airiamun kede ijo onac.")
 Kotoma ajijim motimot,
 Iriamun oni kodoket loibus
 Ibuni oni awoere kodoket loibus,
 Ekosio loejijim...(Nginitunganan awooto ngol kwana.)
 Ido mam bobo iwokomoyon epote aiturur,
 Mam karaida apipil kanuka arerengusio nuka aibworar.
 Nginitunganan, ikeunite akonikanin kuju:
 Kotoma ajijim motimot
 Oo, iriamun oni koodoket loibus;
 Kotoma ajijim motimot,
 Iriamun oni kodoket loibus.

130 Ketuluritos awokokwes kwana, alimutu nu: Ejakait Yesu, [Kotemari atukos ebe, "Ejakait Yesu,"-
 Ekewa.] Amina eong Ijo. ["Amina eong Ijo."] Eyuunit eong ["Eyuunit eong"] ebe Yesu Kristo ["ebe Yesu
 Kristo"] nges Okuku loka Edeke ["nges Okuku loka Edeke" Edeke itodiara ["Edeke itodiara"] kotoma akuan
 ["kotoma akuan"] kanu alemar awai akadiakar. ["kanu alemar awai akadiakar."] Mam eong amuno akajokis,
 ["mam eong amuno akajokis."] amameotor eong kadio, ["amameotor eong kadio,"] konye eong kaiyaapara
 ["konye eong kaiyaapara"] amuno ["amuno"] ajokisio ["ajokisio"] nuka Yesu Kristo ["nuka Yesu Kristo"]
 Loerai Ekatajaranika, ["Loerai Ekatajaranika,"] Ekadeke, ["Ekadeke,"] Ekakabaka. ["Ekakabaka."] amina
 eong Nges. ["amina eong Nges."] Amen. ["Amen."]

131 Akuar naka moi osawa ediopet, itojok Ejakait, ibuni oni alemun ekanisa loka Sumuruna.

Kotoma ajijim motimot
 Kotoma ajijim...(Etuluritos awokokwes kwap kwana)...Oo, motimot,

Iriamun oni koodoket loibus, motimot;
Kotoma ajijim motimot,
Iriamun oni kodoket loibus
Kwana kaiyapaara, ngitunganan, kajijim:
Neejai Papawok lokuju loeinakini titai,
Einakini oni awokoinakinet naka aiturit,
Kanuka ainakinet naka aibuses naka Akemin...
[Konyouni Onac Branham koroko atukos inyikokinit awoere-Ekewa.]



www.messagehub.info

Nuelimonokinit
William Marrion Branham
"... toma apaarasia nuka eporoto..." Apuk. 10:7